

1 Corintios

Mamabuinore coyuiyebu Pablo bácu ùi toivaicōjeiye báquede mamayoca paperayocare Corinto āmicurīimarocavū Jesúre jū aipōevare. Pablo bácu judíovacacu bácvacari, Jesús ùi yávaiye méne beorī coyucōjeimū marejaquémavū, coyucuyū ùi yávaiye méne judíova ānevure, judíova ne jū abe boje ùi coyuiyede. Lucas bácu coyurejaquemavū Pablo bácu borore Hch 7:57-8:1, 9:1-31, 13:1-28:31, aru ùi cuede Corinto āmicurīimaroi 18:1-18. Javede Pablo bácu toivaicōjeiye bácu toivaicōjeneaquemavū pucayoca ùi paperayocare Tesalónica āmicurīimarocavure. Pablo bácu coyurejaquemavū ùre toivaicōjeiye bácu aipe ùi toivacaquiye báquede diyocare. Toivaicōjeneaquemavū diyocare āniujua báquede 54-55 d.C., yóbecue ùi cucunuiyede, coyucuyū Jesús ùi yávaiye méne. Curejaquemavū Éfeso āmicurīimaroi ùi toivaicōjeiye diyocare (16:8, Hch 19).

Diyocaque Pablo bácu coyurejaquemavū aipe ðaiye jauřore Jesúre jū aipōevare. Coyurejaquemavū Corintocavū ne jēniari jáiye báquede ùre ne paperayocaque purābuoiyede (cap. 7), āiyede pōeva ne jíye báquede pēpeimarare (cap. 8), Espiritu Santoi majide ðaiyede Jesúre jū aipōevare ùi majiécarōque (caps. 12-14), aru ne jínaiyede ina Jesúre jū aipōeva Jerusalén āmicurīimarocavū cuve cuvabevure (cap. 16). Aru jararejaquemavū Corintocavure ne yajuboa tede ðaiyede (caps. 1-3), ne nājine ðabe boje nácacu āmeina ðaipōescure (cap. 5), ne coyuiye boje ne jaraiyede ne bajumia āmeina teivure jēniari jáipōeva Jūmenijicure coreóvabevū ne jivateinoi (cap. 6), aru ne āmeina teiyede ne cōjjivaiyede (cap. 11). Jáđovarejaquemavū aipe ðaiye jauřore Jesúre jū aipōevare ùi coyuiyeque Jesúsí daroimarare coyurājivure ùi yávaiye méne (cap. 4), ùi baju ðaiyede (cap. 9), aru Israecavū bácvū ne ðaiye báquede (cap. 10). Aru ārure ðarejaquemavū náre Jesús ùi yávaiye méne (cap. 15).

Pablo ùi meaicōjeino Corintocavure

(Hch 18.1)

1 ¹⁻²Yū, Pablo, toivaicōjeivū apecure iyoca paperayocare. Meaicōjeivū mūja cōjjivaiivū Corinto āmicurīimarocavū Jūmenijicui pōevare. Jūmenijicu beorī epeibi yure Jesucristoi yávaiye méne beorī coyucōjeimaracacure. Sóstenes máre, majecu ùi jū aipe boje Jesúre majapedeca, meaicōjeimi mūjare. Caivū mūjarecabu Jūmenijicui cutuimara mácvū ū jinava meara baju. Mūjarecabu cūrivū Jesucristoque cūinávure, yópe caivū pōeva cainoa jaborōacavure mearore jívū maje jabocu Jesucristore. Ūrecabe ne jabocu aru maje jabocu máre. ³Majepacu Jūmenijicu, maje jabocu Jesucristomaque, mearo ðacajacurī mūjare bojecubeda ùi me

boje. Aru torojurī cure ðajacurī mūjare cārijimevūva.

Cristo ùi mearo ðacaiyede ùre jū aivure

⁴Cainūmua Jūmenijicure torojuede jívaiivū, ji mearore jímvure, mūjare boje. Jūmenijicu Jesucristore mearo ðacare ðaibi mūjare bojecubeda. Que baru ùre torojuede jíyūbu. ⁵Mūje cue boje Jesucristoque cūinávure, Jūmenijicu mearo ðacaibi mūjare urarō baju. Caiye ū jiede coreóvare ðaibi mūjare. Aru diede mūjare me coyure ðaibi majiéque apevure máre. ⁶Pueno baju mūje coreóvare nuiyede Jūmenijicui yávaiyede jávене Cristorā, pueno baju oatvaviibi mūjare, mūje mearo ðarājiyepē ayū. ⁷Que baru caride mūje napini coreiyede maje jabocu Jesucristoi copaidaquiye, ye

jaubevu mujare cūinájino Jūmenijicui majiécārō iye ũi majide ðaiye ũi pōevare Espiritu Santoque, ne cadatenajiyepere ayu apevure. ⁸ Jūmenijicu parure ðacuyume mujare mije ũmei pu ijāravu cūiyeta, ñame ne buojabenajiyepere ayu boropadaivu mujare maje jabocu Jesucristoi copaidaquijāravu baquinóre. ⁹ Jūmenijicu ðaibi çainumua yópe ũi aiye báquepedeca. Ũrecabe mujare cuturí epeyu maje jabocu Jesucristoque cūinávure, “Yóvajarāri na jímacu Jesucristoque”, ũi aiye báquepedeca.

Corintocavu Jesúre ju aivu ne yajuboa tede ðaino
(Hch 18.8, 24, 19.29; Ro 16.23; 1 Co 16.15)

¹⁰ Mija, jívū, maje jabocu Jesucristo yópe coyucójeimi yure. Parurōreca jēniaivu mujare, mije dápiarājiyepere ayu cūináturu mije ũmei. Yajuboa tede ðabejarā mije jēneboi. Cārijimenoque çujarā mija. Cūináturu bajadéni mije ũme, mije dápiaino máre. ¹¹ Mija, jívū, nópe coyuyubu mujare ico Cloé oī cūramicavu, ne coyuiye boje yure mije jaraiyede mije baju. ¹² Mija dápiabevvya cūináturu mije ũmei. Quéhora apevu mujacavu, “Ñujamu Pabloi bueimara”, adama. Aru apevu mujacavu, “Ñujamu Apoloi bueimara”, adama. Apevu mujacavu, “Ñujamu Pedroi bueimara”, adama. Aru apevu mujacavu, “Ñujamu Cristoi bueimara”, adama. ¹³ ¿Aipe teni nópe dápiavurū mija, yajuboa tede ðaivu? Caivu Jesúre ju aipóeva çurivubu ũque cūinávure. Jáve āmevu mije ũbenina arí dápiaiyede apevu ũre ju aivu çurivure ũque cūinávure, ũbenita apevu ũque cubevure. Aru yu āmevu ñai ne pēvari jēoimū mácu jocuçujaravena mujare boje. Aru ocoque mije jádovaiyede Jūmenijicūque, “Yu Pablōre ju aivu”, abeteavū mija. Quéhora “Jesucristore ju aivu”, ávū mija.

¹⁴⁻¹⁵ Mujacavu obebejinare ocoque jádovacacu yu Jūmenijicūque. Crisporre aru Gayore máre quévura Jūmenijicūque

jádovacacu yu ocoque. Jūmenijicūque ji jádovaru obedivu pōevare ocoque, “Pabloi bueimaramu ñuja”, arājichūma na. Que baru torojūede jívū Jūmenijicūre, ji jádovame boje ocoque obedivu mujare ũque. ¹⁶ Estéfanare ũ jivūque ārvū yu caride. Náre máre Jūmenijicūque jádovacacu yu ocoque. Ārumetevu yu apevu ji jádovaimara mácavure, çurivū baru. ¹⁷ Cristo jarobeteame yure, ji jádovaquiyepere ayu pōevare Jūmenijicūque ocoque. Quéhora jaroáme yure, ji coyūquiyepere ayu iye yávaiye méne ũi meadacaiyede pōevare ne āmeina teiyede jaruvārī. Ũbenita yu coyubevu iye yávaiye méne pōeva ne majiéque aru me yávaiyeque máre. Ũbevu yu ne ju aiye yávaiye méne, die me jápurae boje. Quéhora mvu yu ne ju aiye diede Cristoi yayi báque boje jocuçujaravena. Que baru bojecube tede ðaiyubevu yu ũi yayi báquede ji coyuiyeque.

Jūmenijicu ũi jádovaino ũi paruéde aru ũi majiéde Cristoque
(Ro 1.16; 2 Co 10.17)

¹⁸ Ina pōeva bíjare nuivu Jūmenijicūre jocarí toabo cūiméboi ne jápiayede iye yávaiye méne Cristoi meadacaiyena pōevare ũi yayi báque boje jocuçujaravena, “¿Ũbeni márīca?” arí dápiadama na. Ārumevure jádama caivu coyūivure iye yávaiye méne Cristorā. Que baru ju abema ũre. Ũbenita majacapuravu meadare nuivubu cavarō mearo Jūmenijicui çurōi ũi oatuvare ðaiye boje majare iye yávaiye méque Cristorā. Coreóvare ðaibi majare ũi paruéde iye yávaiye méque. ¹⁹ Yópe arí, toivaicōjenejaquemavu Jūmenijicu ũi yávaiyede ina Cristore ju abevu ne borore:

Ina majidivu ne majiéde jarvavacuyumu yu. Aru ina coreóvaivu ne coreóvaiyede bojecube tede ðacuyumu yu, arejaquemavu Jūmenijicu.

²⁰ Que baru ye baquinó āmevu ina majinidivu ne majié ijāravūque, aru ina

bueniduiṽ ne majié ijāravuque, aru ina majicarīduiṽ aṽevure máre ne majié ijāravuque. Caiye iye ne majiniduiyede ũbenina bojecũbe tede ðaibi Jūmenijicu.

²¹ Jāve caiyede majibi ũ. Aru, “Ijāravucavu ne majiémia ye coreóvaivu buojabema yũre”, arejaquemavu ũ. Quénora, “Ina pōeva ju aivu ji yávaiye méne Cristorā ji meadacaimara márajivũbu”, arejaquemavu Jūmenijicu. Iye yávaiye ménecabu Cristorā, ũi meadayede pōevare, ñuje coyuiye.

Ūbenita, “¿Ūbeni márica?” arī dāpiadama ñuje coyuiyena ijāravucavu Jūmenijicure ju abevũ. Que baru iye ñuje coyuiye bojecũbevu, ne dápiaru.

²² Ina judíoṽa jáiyurivũbu pōeva ne ðarī majibede, ne ju arājiye jipocai aṽecu ũi coyuiyede náre. Aru ina griegova jápiaiyurivũbu pōecu ũi coyuiyede ijāravuque majiéde, ju arājivu ũi coyuiyede. ²³ Ūbenita ñujacarpūravu quéda cūináene coyivũbu. “Cristo jabovai pēvari jēoimũ mácu jocusũjaravena yaidéjaquemavu, bojedacuyũ maje ámeina teiyede, jarũvacuyũ diede”, arī coyivũbu ñuja. Ūbenita ina judíoṽa jorojĩñama ne jápiaiyede iye ñuje coyuiyede, ñai jaboltejarocure náre. Aru ina judíoṽa ámevũ ne jápiaiyede diede, “¿Ūbeni márica?” arī, bojecũbepeda dāpiadama iye ñuje coyuiyede.

²⁴ Ūbenita majacarpūravu coreóvaivũbu Cristo Jūmenijicui paruéde cũvacure aru Jūmenijicui majiéde máre cũvacure, ũi meadaquiyepe aivu pōevare. Majarecabu Jūmenijicui cuturī epeimara ũ jinava, judíoṽa aru judíoṽa ámevũ máre, Cristoi meadacaimara. ²⁵ Pōeva aivu baru “Jūmenijicu majibebi”, nárecabu majibevũ. Jūmenijicu majicutame caivu pũeno, majibecure páyũvacarī pōeva ne jáiyede. Pōeva aivu baru “Jūmenijicu parũbebi”, nácapūravu ye majibema. Jūmenijicu parũcutame caivu pũeno parũbecure páyũvacarī pōeva ne jáiyede.

²⁶ Muja, jívũ, ārũjara iyede. Jūmenijicui cutuquiye jipocamía mũjare, obebejĩna mũjacavu majitequemavu

ijāravuque majiéde, obebejĩna parũrivure cõjequemavu aṽevũ pōevare, aru obebejĩna cũvatequemavu mũjebucũva parũrivũ ne jabovava.

²⁷ Que baru Jūmenijicu beorī epeibi ũ jinava pōeva majibevure ijāravuque majiéde, cũyoje tede ðacuyũ ina pōeva “¿Majidivũ bárica ñuja?” arīduivure. Aru Jūmenijicu beorī epeibi ũ jinava pōeva parũbevure ijāravuque paruéde, cũyoje tede ðacuyũ ina pōeva “¿Parũrivũ bárica ñuja?” arīduivure. ²⁸ Jūmenijicu beorī epeibi ũ jinava jabova ámevure, ijāravucavu ne ũbemarare, aru parũbevure caivu ne cāchinocavure. Majarecabu Cristoi meadacaimara. Que teni Jūmenijicu cūiné ðacuyũme caivu ina “Parũrivũbu ñuja”, aivure ũbenina.

²⁹ Que baru ñame “¿Meara márica?” aivu buojabema Jūmenijicui jáinore. ³⁰ Jūmenijicurecabe cure ðayũ majare cūinávure Jesucristoque. Aru Cristoque majide ðaibi majare ũi bueyede jávene. Jesucristo boropatebevure ðaibi majare Jūmenijicui jáinore. Coatede ðaibi majare ámenore jarũvarī, maje ðarājiyepe ayũ yópe Jūmenijicui ũrõpe. Aru bojedabi majare maje ámeina teiyede jarũvarī. ³¹ Que baru yópe arī, toivaicõjenejaquemavu Jūmenijicu ũi yávaiyede: “Ñai pōecu ‘¿Meacu bárica?’ arī coyuiyucũ baru, ũi bajuma nópe arī coyũbejacurī. Quénora ‘Meacu bajube maje jabocũ cavarõ mearocacũ’, arī coyũjacurī ũ”, arī toivaicõjenejaquemavu Jūmenijicu.

**Cristo jabova ne pēvari jēoimũ
mácuve coyũino**
(Hch 18.9)

2 ¹ Muja, jívũ, ji jácũñiye báquede mũje yebai, coyũcuyũ Jūmenijicui yávaiyede, coyũbetecacu yũ yópe ina ijāravucavu majidivũ ne coyuiyepe. Mũjare coyũcacu iye Jūmenijicui yávaiyede, jáðovameno mácarõre jipocamia ũbenita jáðovainore caride, mũje coreóvabejũroede aṽecu ũi coyũbedu diede mũjare. Ūbenita majidivũ ne yávaicamuaque

coyubetecacu yu. Aru maiyójae yávaicamuque máre coyubetecacu yu. ²Muje me coreóvarājiyepe ayu iye Jūmenijicui yávaiyede, “Cūináene quénora coyūquijivū ina Corintocavure”, arí dápiacacu yu, ji buequiye jipocamia mujare. Que baru, “Jesucristo, jabova ne pēvaimu mácu jocusujaravena, yaidéjaquemavu mujare boje, jaruvacuyū maje āmeina teiyede”, arí coyucacu yu mujare. Yu ūre quécura coreóvare daiyutecacu mujare. ³Jiducu ji yávaiyeque eacacu yu muje yebai. “Jūmenijicui yávaiyede me coyurī buojabequijichavū yu”, ji arí dápiaye boje, jidurī bidicacu yu. ⁴Ji coyūiye báquede mujare Jūmenijicui yávaiyede yópe ina ijāravucavu majidivū ne coyūiyepe coyubetecacu yu. Majidivū ne yávaicamuare aru maiyójae yávaicamuare máre coyubetecacu yu, muje ju abenajiyepē ayu ji coyūiyede iye jápurae boje me. Quénora ji coyūiye báqueque mujare jádovacacu Espiritu Santo paruéde. Aru ūi paruéque majide dáme mujare iye yávaiye méne. ⁵Que baru muja ju aivūbu Jūmenijicui yávaiye méne Cristorā, Jūmenijicui jádovaiye boje ūi paruéde. Ūbenita pōeva ne majié boje, muja ju aivu āmevu.

**Jūmenijicui majiéde ūi coreóvare
đaino Espiritu Santoque
(Ro 11.34)**

⁶Yu máre coyūivu majiéque. Ūbenita ijāravucavu ne majiépe āmevu. Aru ijāravucavu ne jabova ne majiépe āmevu. Iye ne majio ijāravūque cūinē nuivu. Quénora iye majié ji coyūiyeque coyūivu yu ina Jesúre ju aipōeva parūre nuivure ne ju aiyequē ye jaubevūva ne coreóvaiyede Jesúre. ⁷Iye majié ji coyūiyebu Jūmenijicui majié. Javede ūi cuedaquiye jipocamia ijāravure, majidejaquemavu meadacuyū mujare, maje curājiyepe ayu meara baju ūque cainūmua. Cristoi daquiye jipocamia ijāravui, Jūmenijicui jádovamenejaquemavu iye ūi majiéde, ūi daquiye. Ūbenita diede jádovaimi

caride. ⁸Ijāravucavu ne jabova caivu ye coreóvabedejaquemavu iye Jūmenijicui majiéde. Ina jabova coreóvaivu baru, pēvari jēomejebu maje jabocu cavarō mearocacure meacu bajure jocusujaravena. ⁹Aru iye ūi mearo đacaquiye ūi meadaiyede, yópe arí, toivaicōjenejaquemavu Jūmenijicui ūi yávaiyede:

Jūmenijicui meadaibi ūi mearo đacaquiye ina pōevare ūre urivure, yópe pōeva ne jámene, aru ne jápiabede, ne dápiabede máre, arí toivaicōjenejaquemavu Jūmenijicui.

¹⁰Iye ūi mearo đacaquiye ūi Espiritu Santoque coreóvare đai bi majare. Ūai Espiritu Santorecabe majicu caiyede. Pu caiye iye Jūmenijicui urarō majiéde majibi ū.

¹¹Pōecu cubebi coreóvayū apesu pōecu dápiayede. Quécura ūai pōecu coreóvaibi ūi baju dápiayede. Quédecabu Jūmenijicui jie máre. Pōecu cubebi coreóvayū Jūmenijicui dápiayede. Ūai Espiritu Santo quécura coreóvaibi diede. ¹²Ūai Espiritu Jūmenijicui daroimu mujare pōeva ne majiéde coreóvare đabebi majare. Quénora Jūmenijicui majiéde coreóvare đai bi majare, maje coreóvarājiyepe ayu iye Jūmenijicui mearore đacaiyede mujare bojecubeda. ¹³Que baru ji coyūiyede Jūmenijicui yávaiyede, coyubevū yu pōeva ne bueiye yure o ji baju dápiayede. Quénora coyūivu yu ūai Espiritu Santo bueiye yure. Que teni buevū yu ina cvarivure Espiritu Santore iye yávaiyede ūai Espiritu Santo coreóvare daiyede yure.

¹⁴Ūbenita ina Espiritu Santore cuvabevū coreóvaivu buojabenama iye Jūmenijicui mearo đacaiyede bojecubeda ūi Espiritu Santoque. Ne jápiayede Jūmenijicui yávaiyede ūi majiéque coyūiyede, “¿Ūbeni márica?” arí dápiadama na. Ne dápiaru, die bojecubevū. Ácu pōecu Espiritu Santore cuvabecu baru, Jūmenijicui jiede ye coreóvabebi ū. ¹⁵Ūai Espiritu Santore

cuvacu, caiye bueiyede ñi jápiaiye, “Jümenijicui majiéque bueyube” o “Pöeva ne majiéque bueyube”, nurié arí coyurí majibi ñ. Ëbenita ñi baju bueiyede nurié arí coyurí majibebi pöescu Espiritu Santore cuvabecu. ¹⁶Yópe arí, toivaicöjeneaquemavu Jümenijicu ñi yávaiyede: “Pöescu cubebi Jümenijicui dápiayede majicu. Aru pöescu cubebi majicarí buojayu Jümenijicure”, arí toivaicöjeneaquemavu. Ëbenita maja Jesucristore ju aipöeva dápiaivubu yópe ñi dápiayepe.

Jümenijicure memecaivu ne yóvaino ne baju

(Hch 18.4-11, 24-28; 1 C 1.12, 6.19; 2 Co 6.16; He 5.12-13)

3 ¹⁻²Muja, jívu, ji cæ báquede mujaque, coyuyu buojabetecacu mujare yópe ji coyuiyepere ina Jesúre ju aipöeva, parure nuivure ne ümei Espiritu Santoque. Quéhora coyuiyepere jauteavü yure mujare, Jesúre ju aipöeva Espiritu Santore cuvavureca, yópe ji coyuiyepere Jesúre ju abevü Espiritu Santore cuvabevure. Juedojínape paivu bateávü muja. Juedojína opeco matuyeda ücuñaima aru äiyede äiye majibema. Quédeca muja juedojínape paivu muje üme, quéhora Jümenijicui yávaiyepere maiyójabede Cristorá jápiarí eavü muja, aru ñi yávaiyepere maiyójaede jápiarí eabeteavü muja. Aru caride máre, bueiye maiyójaede jápiarí eajurorivüvacari, jápiarí eabevütamu muja cáreja. ³Nopedecabu muje dápiayepere boje aru muje ðaiye boje máre yópe ijáravüvacavu Jesúre ju abeni Espiritu Santore cuvabevü ne dápiayepere aru ne ðaiyepere máre. Muja jaraðavü muje bajumia cáreja. Aru muja tebutedavü muje baju cáreja. Muje nópe ðaiye boje, jáðovavü parure númevü muje ümei Espiritu Santoque. Quéhora ðare nuñavu muja yópe ijáravüvacavu Jesúre ju abevüpe. ⁴Cüinácu mujacacu “Pablo ñi bueimümu yu” arí, aru apescu “Apolos ñi bueimümu yu” arí, jáðovavü ijáravüvacavu Jesúre ju abevüpe paivubu muja.

⁵¿Ye paruéde cuvari ñai Apolos, aru ye paruéde cuvari yu, pöeva ne yóvaräiyepere aivu ñujare? Ñujacapuravubu Jümenijicure memecaivu quéda. Ñuje memecaiye boje úre, muja ju aivubu maje jabocu Jesucristore. Ñuja coapa ðaivubu ñuje memeiye yópe Jümenijicui memecöjeyepere báquere ñujare. ⁶Yópe cüinácu jiore memepöescu ñi oteiyepere, nopedeca mamamüme Jümenijicui yávaiyepere méne coyucacu yu mujare. Aru yópe apescu ñi meadaiyepere iye oteiyede, nopedeca ji yóboi mujare buequemavu Apolos. Ëbenita yópe Jümenijicui bucure ðaiyepere iye oteiyede, nopedeca úrecabe pöevare ju are ðayu ñi yávaiyepere méne. ⁷⁻⁸Que baru ye baquinó ämevü yu mamamümcacu, coyuyu Jümenijicui yávaiyepere méne, yópe oteipöescupe. Aru ye baquinó ämemi ñai Apolos, yóbocacu, ñai bueyu diede máre, yópe meadaiyepere. Ñujacapuravü cüinácurutamu. Cüinácu ñujacacu apescu puenocacu ämemi. Ëbenita Jümenijicurecabe caivu maja maje puenocacu, ñi ju are ðaiye boje pöevare ñi yávaiyepere méne, yópe ñi bucure ðaiyepere oteiyede. Ëbenita mamamümcacu, yu coyuyu, aru yóbocacu, ñai bueyu, cüinácuru curivüvacari ñuje memeiyeque, cüinácuru ämevü ñuje íye bojeque. Quéhora Jümenijicu bojedacuyüme ñujare coapa, yópe ñujare jauépe ñuje memeiye báque boje. ⁹Memecaipöevarecabu ñuja. Jümenijicurecabe ñuje memecaimü. Aru ñuje baju yóvaivubu ñuje memecaiyepere úre. Mujacapuravü jiore paivubu. Aru yópe jiore memepöescu ñi memeiyepere, nopedeca Jümenijicurecabe memeuñu mujare, oatuvacuyu, meara ðacuyu. Apenore máre jévari coyuijivü yu. Muja cüramipe paivu báräivubu. Aru Jümenijicurecabe ñai ðayu diñamine. ¹⁰Yópe pöescu cuvaiyücu meadami cürami cüravaque ðaíñamine ñi ðarí buicöjeyepere diñamine cüinácu cüraque memepöescu me majicure, nopedeca Jümenijicu yure majide

ðarĩburu yóboi ùi majiéque, coyurĩ buicójeame ùi yávaiye méne mujare. Yópe arevũ memeipóeva ne memene nũiyere diñamine, nopedeca arevũ ji yóbocavũ buede nũñama mujare. Aru yópe ina memeipóeva ne me jáiyepe aipe ne memeiyede, nopedeca me jájararĩ ina mujare bueipóeva coapa aipe ne bueiyede, jáve maquiyépe aivũ. ¹¹Yópe memeipóescu ùi ðarĩ buojabepe cũravaque ðaiñamine cũrava cuvabescuva, nopedeca apescu bũna buojabebi Jũmenijicũ yávaiyede jávene, Jesucristorã coyubescuva. ¹²Yópe arevũ memeipóeva ne memeiyere bojecueque, yópe úruque, plataque, aru bojecurijĩboa cũrajiboaque máre, nopedeca arevũ me nurié coyũvũbu Jũmenijicũ yávaiyede. Æbenita yópe arevũ memeipóeva ne memeiyere bojecubeque, yópe jocuveaque, muiyocaque, aru cõriáque máre, nopedeca arevũ nurime coyũvũbu Jũmenijicũ borore. ¹³Jesucristoi ðaquijãravũ, ùi ñãjiovaquijãravũ baquinóĩ pòevare, ne ãmeina teiye boje, me jáðovacuyũme ùi toaque aipe ãrojaene caivũ pòeva ne ðaiye báquede ijãravũ. ¹⁴Pòescu nurié buedu Cristorã, ùi ðaiye éni cũiméquiye bu no toaque. Aru Jũmenijicũ me bojedacuyũme úre, yópe memeicójeipóescu ùi me bojedaiyepe úre memecayũre, bojecueque memeñũ mácũre. ¹⁵Æbenita pòescu nurime buedu Cristorã, ùi ðaiye éni cũiquiye bu no toaque. Aru Jũmenijicũ bojedabescuyme úre, yópe memeicójeipóescu ùi bojedabepe úre memecayũre, bojecubeque memeñũ mácũre. Ñai pòescu ùi ðaiye boje bĩjaquiyebu úre jocarĩ. Æbenita úvãcari bĩjabescuyme. Meadaimũ macuyũme yópe pòescu ùi cúyarĩ dupini nũiyere cũrami toaque uruñamine jocarĩ.

¹⁶Caivũ maja Jesúre ju aipóeva Jũmenijicũ cũramipebu, maje cuvãe boje ùi Espĩritu Santore. Yópe pòeva ne cũepe cũrami jĩvũ, ñai Espĩritu Santo cubi maje úmei. ¿Diede coreóvabenaru mujã? ¹⁷Yópe

Jũmenijicũ cũrami meadami bajupe, mujarecãbu Jũmenijicũ pòeva meara baju, memecarãjivũ úre. Que baru ácu pòescu, ùi bueiyede jáve ãmeque, bĩjare ðaiyurĩburu yóboi mujare, ùi ðajocare ðaiyurĩduiyede mujare mujẽ ju aiyede Jesúre, Jũmenijicũvacari bĩjarocuyũme úre.

¹⁸Mujẽ bajumia apescũre jujovaicójemejara. Cũinãcu mujacacu “¿Majicũ bãrica yũ ijãravũcavũ Jesúre ju abevũ jiede?” arĩ ðãpiayu baru, ùbenina arĩ ðãpiarĩduibi ù. Ñai nope arĩ ðãpiayu majibescupe tejacurĩ ijãravũcavũ Jesúre ju abevũ ne jáiyede, úre Jũmenijicũ majide ðaquiyere ayũ majiẽ jáveque. ¹⁹Ijãravũcavũ Jesúre ju abevũ ne majiẽ bojecubevũ Jũmenijicũ jáinore. Ne coyũiyede ne majiẽque, “Æbenina coyũvũbu”, arĩ ðãpiaibi ù. Yópe arĩ, toivaicójenejaquemavũ ùi yávaiyede: “Ina ‘¿Majidivũ bãrica ñũja?’ ùbenina arĩ majinidivũre jarũvaibi Jũmenijicũ, ne baju majinidivũre boje”, arĩ toivaicójenejaquemavũ. ²⁰Aru yópe máre arĩ, toivaicójenejaquemavũ Jũmenijicũ: “Maje jabocũ majibi ina ‘¿Majidivũ bãrica ñũja?’ arĩ majinidivũre ne ðãpiaye ye bojecubede”, arĩ toivaicójenejaquemavũ. ²¹⁻²²Que baru arĩ ðãpiabejarã cũinãcu pòescu majicũre arevũ pũeno. Que baru, “Pablo ùi bueimũmu yũ”, o “Apolos ùi bueimũmu yũ”, o “Pedro ùi bueimũmu yũ”, abejarã mujã. Caivũ mujare bueipóevare aru caiye apede Jũmenijicũ mearo ðacaiyede epedejaquemavũ ù majare boje. Ijãravũre, maje cũede, maje yainãjijyede, caride, aru javenare máre epedejaquemavũ Jũmenijicũ, majare boje. ²³Majamu Cristo jina, ðarãjivũ yópe ùi urópe. Aru Cristobe Jũmenijicũ jicũ, ðacuyũ yópe ùi urópe.

Aipe ne memeino ina Jesúĩ ðaroimara coyũcarãjivũ ùi yávaiye méne

(Hch 18.3; 1 Co 11.1; Fil 3.17; 1 Jn 3.19-21)

4 ¹Jãjãra ñũjare, Jesucristoi ðaroimarare coyũcarãjivũ ùi

yávaiye méne, yópe úre memecaivure. Ñujare bueicōjeimi pōevare Jūmenijicu “Yópe đacuyumu yu, meadacuyu pōevare ne āmeina teiyede jaruvārī”, ũi arī dāpiaino jáđovameno mácarōre jipocamia ũbenita jáđovainore caride.

² Aru ñai pōecu Jūmenijicui bueicōjeimu mácure bueiyé javu iye yávaiye méne Cristorā đajocabecuva aru diede oatuvabecuva máre. ³ Yúcapūravure ye baju āmevu mŭje coyuiyede mearore o āmenore ji bueiyena. Ye baju āmevu yure apevu pōeva máre ne coyuiyede mearore o āmenore ji bueiyena. Aru yávacari máre mearore o āmenore ye coyubevu ji baju bueiyena. ⁴ “Boropatebevu yu”, arī dāpiavu cainumua Jūmenijicui jáinoi. ũbenita ye baju āmevu ji boropatebedu ji dāpiainore. Maje jabocurecabe ñai coyucuyu yure, “Boropateyubu mŭ ji jáinoi”, o “Boropatebecubu mŭ ji jáinoi”.

⁵ Que baru caivu pōeva ye coyubejarāri apere mearore o āmenore ũi coyuiyena, ānijāravu maje jabocu Jesucristoi copaidaquijāravu baquino jipocamia. Čorejarā mŭja pu ũi copaidaiyeta. Ũrecabe coreóvare đacuyu caiye maje majibede cāreja, pōeva ne đaiyede yavenina. Aru ũrecabe coreóvare đacuyu caivu pōeva coapa ne dāpiayede aipe ne đarājiyede máre. Dinumu maquinóre caivu pōeva coapa ne mearore đaru, mearore jícuyume Jūmenijicu náre coapa.

⁶ Mŭja, jívu, jēvari coyuiquijivu yu caiye iyede Apolore aru yure máre, cađatecuyu mŭjare, mŭje đaicōjenidubenajiyere ayu pōevare apeđe Jūmenijicui yávaiyede ũi arī toivaicōjeiye báquede jocarī aru mŭje abenajiyere ayu cūinācu mŭjare bueipōecurā, “¿Majicu bārica ũ apevu pueno?” mŭje āmeina jáiyede apevure.

⁷ Jáve ũ majibecube apevu pueno. Caiye mŭje majiède mŭje cuvaede majide đaibi Jūmenijicu. ¿Aru ũi majide đaiye boje diede, aipe teni yávaiuvūrū mŭja yópe majidivure mŭje baju majiéque? Que baru, “¿Majidivū bārica ñuja apevu pueno?” arī dāpiayé javubevu mŭjare.

⁸ “Caiye iye Jūmenijicui majiède javu majidivubu ñuja”, arī dāpiarīduyavū

mŭja. Aru, “Caiye iye Jūmenijicui jījuroede javu cŭvarivubu ñuja”, arī dāpiarīduyavū mŭja. Que baru caride “Iye majié Jūmenijicu jie caiyede cŭvarivubu ñuja”, ũbenina arī dāpiadavū mŭja. “Me cŭrivubu ñuja Jūmenijicunque”, ũbenina arī dāpiadavū mŭja. “Ñuja jabovatamu, apevu Jūmenijicui pōevare cōjeivū”, ũbenina arī dāpiadavū mŭja. Que baru ñujare āmeina jári bojecubevure jaruvadavū mŭja. Mŭje jáve cōjenu, meajebu ñujare. Ñuja máre yóvajebu mŭjare mŭje jaboteiyede, cŭvarājivu Jūmenijicui mearo đacaiyede mŭjaque.

⁹ ũbenita ji dāpiainoi, Jūmenijicu epeibi ñujare, Jesú daroimarare coyucarājivu ũi yávaiye méne, caivu apevu ne cāchinocavure. Cŭrivubu ñuja yópe jabovai buoimara ne boarī jaruvārājimarape. Caivu ijāravucavu, ángeleva aru pōeva máre, jáđama ñuje ñájiyede yópe āmeina teivure.

¹⁰ Ijāravucavu Jesúre ju abevu, “Majibema na, ũbenina coyuvū”, adama ñuje borore, Jesú daroimarare coyucarājivu ũi yávaiye méne. ũbenita mŭjacapūravu “Jesucristo caiyede coreóvare đaibi ñujare”, arī dāpiadavū, ũbenina dāpiaivŭvacari. Ñujacapūravu bueni majibevu parúeque. ũbenita mŭjacapūravu “Parúeque bueivubu ñuja”, arī dāpiadavū, ũbenina dāpiaivŭvacari. Aru mŭjatamu pōeva ne pueđaimara. ũbenita ñujatamu ne āmeina jáimara.

¹¹ Que baru javede aru caride máre, cainumua ñájiivubu ñuja. Ávúé ijvivaivu ñujare. Cūiñóvaivu ñujare. Cuitótecajea javvaivu ñujare. Ñuje mauva pare ñájiiovaivubu ñujare. Aru cŭvabevu ñuje cŭramiva. ¹² Memevaivubu ñuje puŭáque pu ũetivuta, bojedarājivu ñuje ārājiveva. Pōeva ne āmeina yávaiyede ñujare, “Majepacu mearo đacajacurī mŭjare”, ávaivubu náre. Pōeva ne ñájiine đaiyede ñujare, napivaivubu ñuja. ¹³ Pōeva ne borocurī āmenore coyuiyede ñujare, copu mearore coyuvvaivubu náre. Ne dāpiaru, jaruvaiyere paivubu ñuja. Ye bojecubevure paivure jávaivubu ñujare.

¹⁴ Caiye iye ñaje ñájiyede ji toivaicōjeiyede apesure mujare toivaicōjemenvu cayoje tede ñacuyu mujare. Quénora toivaicōjeivn úre diede, majiacayv mujá ji úmarare, jímarape paivure. ¹⁵ Múja cvarivuvacari obedivn baju bueirpōevare, cūinácú quécúra, yure, cvarivubu mujepacupe, ji búre ñaiye boje múje cuede Jesucristoque cūinávure, mamarumure ji coyuiye boje mujare úi yávaiye méne. ¹⁶ Que baru parurōreca jéniavivn mujare: Ñajará yópe ji ñaiyere.

¹⁷ Que baru Timoteore jaroivn múje yebai. Úme jímacupe páyu, ji umu, úi cue boje Jesucristoque cūinávure, ñajocabecvna úi ju aiyede úre. Árure ñacuyume mujare aipe ji ñaiyere, ji ju aipe boje Jesucristore. Aru cainumna ñaivn yv yópe ji ñaicōjeiyepedeca ji bueiye caivn Jesúsre ju aipōeva cójijivavure cainore.

¹⁸ Apevn mujacavn arí ñapiaríduyama ñmescuyureca yv mujé yebai, ji jídué boje. Que baru, “¿Majidivn bárica ñaja?” arí ñapiadama na, ne ñapiaríduiye boje yv soyubescunscuyure náre, ne ámeina yávaiye báque boje yure. ¹⁹ Úbenita maje jabocu úi uru, jáve ñacuyumu mujé yebai maumejiena. Ji eaiyede nore, jáscuyumu ne ñaiyede, ina úbenina arí ñapiaríduivn ne baju majidivn. Jáscuyumu ne ñaru majiéque, o quénora majidivure tedu ne yávaiyeque. ²⁰ Maja Jūmenijicui jaboðaimara teni buojabenamu maje yávaiye boje o apesui yávaiye boje máre. Quénora Jūmenijicui jaboðaimara teni buojadavv majeure boje yópe Jūmenijicui urōpe úi parúeque. ²¹ ¿Ji eaiyede mujé yebai, aipe ñaji? Múje ñare ñuru yópe mujé ñaiyere caride, mujare jararí ñájiñe ñacudacuyumu. Úbenita oatvvaru mujé ñaiyede, ñarājivn yópe Jūmenijicui urōpe úi parúeque, mujare jáscudacuyumu ji ñeque, meascú úmure.

Aipe ñaiye jarurōre Jesúsre ju aipōeva cūinácú ñacascú úi ámeina ñaiye boje nomióque

(Gá 5.9)

5 ¹ Jápiacascú yv, “Ámeno baju ñaibiya cūinácú Jesúsre ju aipōescú

Corintocascú”, pōeva ne soyvavarede yure. “Cubiya jípacui márepaco bajuque”, ávaivubuya. Pūeno baju ámenotamuno. Que baru ina Jūmenijicure ju abevvavacari pare úbema pōeva ne ñaiyede yópe úi ñaiyere. ² Cūinácú mujacascú nópe ámeina ñayvavacari, mujacapuravn “¿Meara márica ñaja, me curivn Jūmenijicucue?” úbenina arí ñapiavaivubuya. Úbenita chíoiye baju jauteavv mujare, úi ámeina ñaiye boje. Múja chíoiyv baru, ñai nópe pūeno ámeina ñayure jaetovajebu múja múje cójijinore jocarí. ³ Yúcapuravn cubevn mujaque caride. Úbenita ñapiavivn yv ji úmei yópe cójurocupe mujaque. Aru jave coreóvavivn yv ji úmei aipe ñaiye jarurōre mujare. ⁴ Múja Jesúsre ju aipōeva mujé cójijiyede, mujé majié boje ji ñapiainore, yv yópe cójurocupe cūquijivn mujaque. Aru mujé cójijiyede, maje jabocu Jesucristoi parúe máre cūquiyebu mujaque. ⁵ Dinumure mujare jícójecayumu ñai úmure abujuvai jabocu Satanáre. Que teni, úre coatede ñarí apesv Jesúsre ju aipōevare jarvvarí, úre ñajocarí, Satanás úi ñacuiyere ayv úque yópe úi urōpe, coreóvarí buojacuyume ú úi ámeina teiyede. Que teni chíori úi ámeina teiyede, ñajocarí úi ñaiyede yópe úi baju ámeina ñaiyere, meaðaimv macvúme maje jabocu Jesucristoi copaidaquiyede.

⁶ “¿Meara márica ñaja?” arí ñapiayé jaubevn mujare. Yópe pōeva ne arí cómajiyere, “Quíjje páure bucure ñaiyere caino jívaibo bucúóvaino mávu”. ¿Diede coreóvabenaru múja? Nopedeca cūinácú úi ámeina ñaru, apesv máre úque cójijivn ámeina ñarājarama úpe. ⁷ Que baru, “Apevn majacavn úi ámeina ñaiyede jári, úpedeca ñaiyurājichuma” arí, jaetovajarā úre mujé cójijinore jocarí. Yópe judíovai Pascua torojvne tenajiyé jípacai, ne jaruvaiyere caiye iye páure bucure ñaiye javequede, nopedeca jaruvajarā úre mujare jocarí. Yópe judíovai áiyere páure bucure ñaiye cubequ Pascua torojvne teijárvvare,

ovejajícure boaríburu yóboi, nopedeca cure nujara muja meara matuiye, yópe muje cuepe caride, ámeina dayu cubecuva muje jéneboi, Cristoi jave yaiye báque boje. Yópe ne ovejajícure boaiyepe ne ámeina teiye boje, Jümenijicui ñájine ðabequiyeye aivu náre, ne ámeina teiye boje, nopedeca Cristore boarí jaruvarejaquemavu maje ovejajícure páyure, maje ámeina teiye boje, Jümenijicui ñájine ðabequiyeye aivu majare, maje ámeina teiye boje. ⁸Que baru maja Jesúre ju aipðevare caiye maje ðaiye jauvu ye ámeina ðabeni, apevure máre ðare ðaiyubevuva aru ye ámeina dápiabeni apevure, náre ámenore ðaiyubevuva máre. Quénora ámeno cubevuva aru mearore dápiarí, ðarí cõmajini yópe maje dápiayeye ðaiye jauvu majare.

⁹Jipocare ji toivaicõjeiye báquede apesure paperayocare, mujare yóvaicõjemetecacu ina ámeina ðavure apevque némarebucuva ámevque. ¹⁰Ji nópe toivaicõjeiye ðre, coyubetecacu muje ðaiyede ina Jesúre ju abevque. Obedivu pøeva ijáravucavu Jesúre ju abevu ámeina ðavubu apevque némarebucuva ámevque. Aru áujini, apevure jujovarí ívubu ne cavaede. Aru ñavacurivubu. Aru pèpeimarare mearore jívubu máre. Muje náre yóvabenajiyeye aivu, etaiye jaujebu mujare ijáravure jocarí. Muje Jesúre ju abevque ðabedu, ye cubequiyebu muje cújurogõre. ¹¹Quénora ji toivaicõjeiye báqueque apesure yópe ayutecacu yu. Ácu pøecu majacacu ñi aye boje “Jesúre ju ayubu yu”, ðbenita ñi ámeina ðarí cõmajidu, yóvabejará ðre. Ácu pøecu ámeina dayu apesque jímarepaco ámeocoque, aru áujinü jujovarí ínü apevu ne cavaede, aru pèpeimarare mearore jíyu máre, Jesúre ju aríduru, yóvabejará ðre. Ácu pøecu borocurí ámenore coyuyu apevure, aru pacoteyu, aru ñavacucu máre, Jesúre ju aríduru, yóvabejará ðre. Pøecu ðre páyunque ye ámejara áiyede. ¹²⁻¹³Ina Jesúre ju abevu ne ðaiyede jári, corevarí coyubevu ju

mearore o ámenore. Jümenijicurecabe coyucuyu náre ne ðaiyede mearore o ámenore. ðbenita mujacapüravure jári, corevarí coyuiye jauvu ina Jesúre ju aivu ne ðaiyede mearore o ámenore. Que baru jaetovajará ñai ámeina ðayure muje cójjinore jocarí.

Jümenijicui pøeva ne jaraiyede ne bajumia coyuiye jauveno ámeina teivure jëniari jáipøeva Jümenijicure coreóvabevu ne jivateinoi

6 ¹Cüinácu mujacacu Jesúre ju aipðecu jarayu baru apesca Jesúre ju aipðecure, coyuiye jauvu ðre diede Jümenijicui pøeva ne jivateinoi, ne meadarájiyeye ayu diede. Jáve coyuiye jaubevü ðre ámeina teivure jëniari jáipøeva Jümenijicure coreóvabevure ne jivateinoi. ²Jáve maja Jümenijicui pøeva jëniari járiburu yóboi caivu ijáravucavure aipe ne ðaiyede, coyurájaramu mearore o ámenore Cristoi jabotequiyede. ¿Diede coreóvabenaru muja? Aru mujacapüravü coyurájivu baru mearore o ámenore caivu ijáravucavure muje jëniari járiburu yóboi aipe ne ðaiyede, jáve jëniari járiburu yóboi coyurí buojaivubu muja mujevure ne majiéda jaraiyede ne bajumia, meadarájivu diede. ³Jáve maja Jümenijicui pøeva ángelevareca máre jëniari járiburu yóboi aipe ne ðaiyede, coyurájaramu mearore o ámenore. ¿Diede máre coreóvabenaru muja? Que baru pueno baju jáve jëniari járiburu yóboi coyurí buojaivubu muja ijáravuque majiéda jaraiyede, meadarájivu diede. ⁴Que baru muje jaraiyede muje bajumia, coyuránuiye jaubevü mujare diede ámeina teivure jëniari jáipøeva Jümenijicure coreóvabevu ne jivateinoi. Nárecabu Jesúre ju aipøeva ne pueðaimara quíjino baju. ⁵Toivaicõjeivu apesure diede, cuyoje tede ðacuyu mujare. “¿Majidivu bárica ñüja?” muja aríduivureca, mujacacu cüinájicu majicu cubebi, meadacuyu mujevü ne jaraiyede ne bajumia. Mujacacu majicu cüinácu cucu baru, ðre coyuiye

jaujebu mujare mije jaraiyede mije bajumia, ñi meadaquiyepe aivu diede.

⁶ Ìbenita pueno baju ámenotamu aru cuyojarótamu mije ðaino! Mija, Jümenijicui pöevavacari, jaraðavü mije bajumia, aru coyuyavü diede ámeina teivure jëniari jáipöeva Jümenijicure coreóvabevu ne jivateinoi.

⁷ Mije coyuyue boje mije bajumia jaraiyede apevu ne jivateinoi, coreóvaivu yu ðabevure yópe Jesucristoi bueiye báquepe. Que baru vaini tuivubu mija mije ðaiyeque. Apevure ámenore ðaicöjeiye jauvu mujare coyubevuva. Aru apevure mije cüvaede ícöjeiye jauvu mujare jocarí máre coyubevuva.

⁸ Ìbenita mujacapüravu ámenore ðaðavü aru ñnavu apevu ne cüvaede náre jocarí. Aru mujevu, Jesúre ju aipöevavacari, nárecabu mije ámedaimara.

⁹ Jáve pöeva cömajivu ne ámedaiyede Jümenijicui jaboteimara ámenajarama. ¿Diede coreóvabenaru mija? Mije bajumia apesure jujoaicöjemejara. Ina pöeva ámeina ðaivu apevuque némarebucüva ámevuque, aru ina pëpeimarare mearore jívü, ina ámeina ðaivu apevuque némarebucüvare jaruvarí, ina ümüva nomivape ðaivu aru ina ümüva máre ðaivu apevu ümüvaque yópe ne ðájuroepe nomivaque, caivu ina Jümenijicui jaboteimara ye ámenajarama. ¹⁰ Aru ina ñavacurivu, ina áujivu, ina pacoteivu, ina borocurí ámenore coyüivu apevure, aru ina jujovarí apevure ívu ne cüvaede máre, caivu ina Jümenijicui jaboteimara ye ámenajarama. ¹¹ Aru apevu mujacavu inape paivu batequémavu mije Jesúre ju arájiye jipocare. Ìbenita yópe pöeva ne jaruvaiyepede docücüede ne joaiyede, nopedecca Jümenijicu jaruvarejaquemavu mije ámeina teiyede. Majare coavarí úre ju abevure jaruvarí, mearape ðarí, epedejaquemavu majare ñi pöevava. Aru boropatebevure ðarejaquemavu majare ñi jáinore. Caiye iyede ðacarejaquemavu Jümenijicu majare mije jabocu Jesucristo parucüque aru ñai Espiritu Santoque máre.

Meadaíye jauróre maje bajure Espiritu Santoi cüe boje majaque aru maje cüe boje Jesucristoque cüinávure

(Mt 19.5; 1 Co 3.16, 10.23; 2 Co 6.16)

¹² Yópe ávaivubuya apevu Jesúre ju aipöeva. “ðaicöjeiyede ðaiye jaubevü majare. Que baru caiyede ðaicöjeimümu yu”, ávaivubuya apevu. Jávetamu. Ìbenita apede maje ðaru, meamejebu majare o apevure máre. Yu caiyede ðaicöjeimüvacari, yúcapüravu yebacacupe teiyubevu ji ðaiyue boje apede. ¹³ Aru yópe máre ávaivubuya apevu: “Jümenijicu cuedarejaquemavu áiyede maje yapibu boje aru maje yapibure maje áiye boje”, ávaivubuya. Jávetamu. Aru Jümenijicu cüiné ðacüyume áiyede aru yapibure máre. Ìbenita cuedabedejaquemavu maje bajure maje ámeina tenajiyepede ayu apevuque majemarebucüva ámevuque. Qué Nora maje bajure cuedarejaquemavu, maje memecarájiyepede ayu maje jabocu Cristore. Aru cure ðarejaquemavu maje jabocu Cristore majaque cüinávure, maje baju jívü. ¹⁴ Yópe Jümenijicui nacovaiye báquepe maje jabocu Jesucristoi baju bácaróre yainore jaruvarí ñi paruéque, nopedecca majare máre maje bajure nacovacüyume ñi paruéque.

¹⁵ Jáve mije bajubu yópe Cristoi bajucaröpedeca. ¿Diede coreóvabenaru mija? Que baru yópe apeno Cristoi bajucaröpe ñni, coavaiyepede ñi bajure, ye ðayu buojabevu yu nomió ámeoque, cüináco öi bajure bojedado ámeina ðacodo ümüvaque. ¡Aipinümu ðabecübu yu nópe! ¹⁶ Jáve yópe teyübe ñai cücu nomió ámeoque. Ne bajuá jëori, cüinávure teivubu na. ¿Diede coreóvabenaru mija? Yópe arí, toivaicöjenejaquemavu Jümenijicu: “Ina pucará cüinávure tenajarama na”, arí toivaicöjenejaquemavu. ¹⁷ Aru quédeca ñai ju ayu maje jabocu Jesucristore cüinávure teibi úque ñi ümei.

¹⁸ Cainüma ámeina ðabejará apevuque mujemarebucüva ámevuque.

Ape ãmeina teiye die pñeno pñecu ñi bajure ãmedabevu. Ubenita diede ðayu baru, ñi bajure ãmedaibi. ¹⁹ Jãve ñai Espírиту Santo cucube maje baju jívui. Que baru maje bajubu yópe Espírиту Santoi cūramipe. Jūmenijicuvacari darorejaquemavu úre, ñi cūquiyepe ayu majaque. Que baru majavacari majare uparivu ãmevu aru ðaicōjemevu maje bajure. Quénora ñai Espírиту Santorecabe majare upacu aru ðaicōjeñu maje bajure. ¿Diede coreóvabengarū mǎja? ²⁰ Jūmenijicu ñni bojedarejaquemavu majare. Que baru caiye mǎje ðaiyede mǎje bajuque pueðajarã Jūmenijicure. ðaicōjeimara ãmevuvacari, mǎje pueðaiye boje Jūmenijicure, me ðajarã mǎje ðaiyede mǎje bajuque.

Pablo ñi majicaino pñubuoivure aru pñubuoebvure mǎre

(Mt 5.32, 19.9; Mr 10.11-12; Lc 16.18)

7 ¹ Caride coyuqijivu iye jēniari jǎiyede mǎje toivaiye báquede yure paperayocaque. Pñecu ñi pñubuoobedu, meajebu. ² Ubenita obedivu pñeva ne ãmeina ðaiyue boje arevūque némarebucava ãmevūque, caivu ñmva coapa cuvajarãri némarepaco bajuva aru quédeca caivu nomiva coapa cuvajarãri némarepacu bajuva mǎre. ³ Ñai nomicucu ðajacurí cainmva yópe úre jauépe, me cucuyu jímarepacoque. Aru quédeca ico ñmucuco ðajacorí cainmva yópe óre jauépe, me cucodo jímarepacuque. ⁴ Ñai nomicucu jímarepaci baju jínnotamu, ñi corequiyepe aino nore. Que baru ico ñmucuco cūinácova òi bajure cōjememico. Aru quédeca ico ñmucuco jímarepacu baju jínnotamu, òi corecojiyepe aino nore. Que baru ñai nomicucu cūinácova ñi bajure cōjememi. ⁵ Que baru mǎja, pñubuoivū, nomicucu ñi ðaiyuru yópe pñubuoivū ne ðarí cōmajiyere, “Ubevu yu”, abejacorí jímarepaco. Aru ñmucuco mǎre òi ðaiyuru yópe pñubuoivū ne ðarí cōmajiyere, “Ubevu yu”,

abejacurí jímarepacu. Quédata ina pñcarã cūináturu ne úme, “Maje ðarí cōmajiyede ðajocarãjarevu apejãravuare, jēniarajivu majepacu Jūmenijicucue”, arí coyvūvu baru, ðajocarí buojaivūbu diede. Aru ðijãravua “apejãravua” ne aijãravua vainíburu yóboi, bedióva cojedeca ðajarãri yópe ne ðarí cōmajiyepedeca, ñai abujuvai jabocu Satanás ñi ãmeina ðare ðabequiyepe aivu náre arevūque némarebucava ãmevūque, ne cōjeme boje ne baju ðaiyuróre ñmñ nomióque aru nomió ñmñque mǎre.

⁶ Iye pñubuoiyede ji coyuiyede mǎjare, “Pñeva pñubuoivūvūvu baru, pñubuoorí buojaðama na”, arí coyvūvu yu. Ubenita pñevare “Pñubuojarã”, abevu yu. ⁷ Caivu ne pñubuoobedu, yópe ji pñubuoobepedeca, meajebu ji dápiaru. Ubenita Jūmenijicu majide ðaibi majare coapa bojecubeda ñi majiécãróre, maje caðatenajiyere ayu arevūre. Aru epeibi majare coapa maje ðarãjiyede ijãravui. Que baru arevu majacavure epeibi ne pñubuoarãjiyere ayu aru arevūre epeibi ne pñubuoebenajiyere ayu.

⁸ Caride coyuqijivu ina pñubuoebvure aru ina nomiópevare. Meavu mǎjare mǎje cūru yápe, pñubuoebvūva. ⁹ Ubenita nácapūravu cōjeni buojabevū baru ne baju ðaiyuróre ñmñ nomióque aru nomió ñmñque mǎre, pñubuojarãri na. Métamu ne pñubuoioye ne ñãjiye pñeno, ne nomicube boje o ne ñmucube boje.

¹⁰ Aru caride coyuqijivu ina pñubuoivure. Yópe ðaicōjeivū mǎjare: Nomio ñmucuco jaruvabejacorí jímarepacure. Aru yúvacari ãmevu nópe ðaicōjeñu. Quénora maje jabocu Cristovacari nópe ðaicōjenejaquemavu. ¹¹ Ubenita ñi jaruvaicōjemeneca, apoco jímarepacure jaruvaðo baru, pñubuoebjacorí ò arecūque. Cūinácova cūjacorí ò, o meaðaríburu yóboi copainujacorí jímarepacu yebai. Aru ñmñ nomicucu mǎre quédeca jaruvabejacurí jímarepacore.

¹² Aru caride coyuqijivu arevu mǎjavure. Iyede maje jabocu

Cristovacari coyubedejaquemavũ; ubenita yũre coyucõjeimi. Jesũre jũ aipõescu nomicũcu jĩmarepaco Jesũre jũ abecore cuvaco baru, aru õcapũravũ ẽque õi cure nuĩyũru, jãve õre jarũvabecarĩ ẽ. ¹³Aru Jesũre jũ aipõeco ẽmũcũco jĩmarepacũ Jesũre jũ abecure cuvaco baru, aru ẽcapũravũ õque ẽi cure nuĩyũru, jãve ẽre jarũvabecarĩ õ. ¹⁴Mũja Jesũre jũ aipõeva cũĩnãvũpetamu Jesucristoque mũje ẽmei. Aru mũjemarebucũvaque mãre cũĩnãvũpetamu mũje bajuĩ. Que baru Jũmenijicũ me jãũme nomicũcu Jesũre jũ abecure, ẽi cũe boje jĩmarepaco Jesũre jũ aipõecoque. Aru Jũmenijicũ me jãũme ẽmũcũco Jesũre jũ abecore, õi cũe boje jĩmarepacũ Jesũre jũ aipõescuque. Die jãve ãmenu, Jũmenijicũ mũjemarare me jãmejebu. Ɛbenita nãre mãre me jãũme ẽ. ¹⁵Jũmenijicũ cutuibi majare, maje curãjĩyere ayũ carĩjĩmenoque. Que baru ina Jesũre jũ abevũcapũravũ mauteiyũbevũ baru nẽmarebucũva Jesũre jũ aivũque, ne jaraiye boje ne baju, jarũvajarãri nãre. Ɛbenita nomicũcu Jesũre jũ aipõescu cuvacu jĩmarepaco Jesũre jũ abecore o ẽmũcũco Jesũre jũ aipõeco cuvaco jĩmarepacũ Jesũre jũ abecure, curãrãri nãque, ne nõpe uru. ¹⁶Que baru ne mautedu cũĩnãturũ, meaquiyebe, ñai jũ abecu o ico jũ abeco ne jũ aru Jesũre, ne cũe boje Jesũre jũ aipõecoque o Jesũre jũ aipõescuque jãravũ coapa. Mũ, ẽmũcũco, Jesũre jũ are ñacõjichũvũ mimarepacure, Jũmenijicũ meadaquiyepe ado ẽre. Ɛi jũ aqũiyede o ẽi jũ abequiyede majibevũ mũ. Aru mũ, nomicũcu, Jesũre jũ are ñacõjichũvũ mimarepacore, Jũmenijicũ meadaquiyepe ayũ õre. Ɛi jũ acõjĩyede o õi jũ abecoĩyede majibevũ mũ. ¹⁷Quẽnora cure mũjarari caivũ, ñarĩ yõpe Jũmenijicũ epeiyẽ bãquepe nãre coapa, ne ñarãjĩyere ayũ, ẽi cutuquiye jipocamĩ nãre ẽ jina mãrajĩvũva. Nõpe bueyũbu yũ caivũ Jesũre jũ aipõeva cõjĩvãivũre. ¹⁸Ñai põescu buraicõjeũ mãcu baru

ẽi cajede, yõpe judĩova ne ñaiyere, Jũmenijicũ cutuquiye jipocamĩ ẽre, oatũvabenidujacurĩ iye buraiye bãquede. Aru ñai põescu buraicõjemescu bãcu baru ẽi cajede, yõpe judĩova ne ñaiyere, Jũmenijicũ cutuquiye jipocamĩ ẽre, buraicõjemenidujacurĩ ẽi cajede. ¹⁹Ye baju ãnevũ buraicõjenu o buraicõjemenũ maje cajede. Maje jũ aiye Jũmenijicũ ñaicõjeiyede, diedecabu majare jãuẽ. ²⁰Caivũ curẽ mũjarari yõpe ne curẽpedca, Jũmenijicũ cutuquiye jipocamĩ. ²¹Que baru mũ apescu ẽi yebacacu bãcu baru Jũmenijicũ cutuquiye jipocamĩ mãre, carĩjĩmejacu die mi yebacateiyẽ boje. Ɛbenita mi jabocu ẽi jõdeiyũru mãre, etajacu ẽre jocarĩ. ²²Ñai põescu apescu yebacacu bãcu Jũmenijicũ cutuquiye jipocamĩ ẽre, jõdeimũ mãcũpe pãyũbe Jũmenijicũ jãĩnore, ẽi cũe boje Jesucristoque cũĩnãvũre. Aru quẽdeca ñai põescu apescu yebacacu ãmescu bãcu Jũmenijicũ cutuquiye jipocamĩ ẽre, Jesucristoĩ yebacacũpe pãyũbe Jũmenijicũ jãĩnore. ²³Jũmenijicũ ñni bojedarejaquemavũ majare. Que baru apẽvũre yebacavũpe tede ñaicõjemejara mũjare, mũje ñaiye boje yõpe ne bueiye jãve ãmẽpe. Quẽnora ñajarã yõpe Jũmenijicũ urõpe. ²⁴Mũja, jĩvũ, caivũ curẽ mũjara Jũmenijicũ jãĩnore yõpe mũje curẽpedca, ẽi cutuquiye jipocamĩ mũjare.

²⁵Caride coyũquijivũ ina nomiva ẽmũcũbevũre carẽja. Maje jabocu Jesucristo coyubedejaquemavũ aipe ñaiye jãurõre nãre. Ɛbenita yũre cõmajẽ ãroje jãri, beorĩ epedejaquemavũ ẽi yãvaiye mẽne coyucõjeimũva. Que baru cainũmũa coyũyũbu yũ ẽi yãvaiyede ñajõcabecũva aru oatũvabecũva diede mãre. ²⁶Ji ñapĩaru, meavũ ina ẽmũcũbevũre carẽja ne cũede pũrũbũobevũva, põeva urarõ ne ñãjiye boje ne cũede ijãravũ, aru Jesũre jũ aipõeva pũeno baju ne ñãjiye boje. ²⁷Mũ nomicũcu baru, mimarepacore jarũvabecacu. Aru mũ nomicũbecũ baru, pũrũbũobecacu. ²⁸Ɛbenita mũjare ji

pɾɨrɨbuoicōjemeneca, mɨ pɾɨrɨbuoyɨ baru, ãmedabejebu. Aru nomió máre pɾɨrɨbuodo baru, ãmedabejebu. Æbenita ina pɾɨrɨbuoivɨ ñájinajarama pare ijāravɨ ina pɾɨrɨbuobevɨ ne ñájiye pɾeno. Aru yúcarpūravɨ mujare vaibéde ðaiyuridujobu iye ñájiyede.

²⁹Muja, jivɨ, ji nópe coyuiyede yópe aiyvɨ yɨ. Obebeujua curivɨbu maja ijāravɨ, memecarājivɨ Jesúre. Que baru carimata ina nomicurivɨ memecajarāri Jesúre cainɨmɨ ne oainope, yópe nomicubevɨ ne ðaiyepe. ³⁰⁻³¹Caiye ijāravuque b́jare nɨivɨ. Aru ijāravɨ cūiquíyebu. Que baru ina oivɨ, yópe obevɨpe ðajarāri na. Ina torojvɨ teivɨ, yópe torojvɨ tebevɨpe ðajarāri na. Ina cvede ñni bojedavɨ, yópe cve cɨvabevɨpe ðajarāri na. Aru ina cve cɨvarivɨ ne íye boje ijāravuquede, yópe diede ñmevɨpe ðajarāri na. Que baru obejarāri, torojvɨ tebejarāri, ñni bojedabejarāri, aru cvede ñmejarari máre. Que ðavɨ baru cainɨmɨ, oabejebu memecaivɨ Jesúre. Quéhora memecajarāri úre cainɨmɨ. ³²Diede coyuyɨbu mujare, ji ne boje muje cārijimenajiyepɨ ayɨ.

Ñai nomicubecɨrecabe dápiayɨ maje jabocɨ Jesucristo jiede aru memecayɨ úre caiye ñi úmeque aru caiye ñi parúéque, ñi torojvɨ ðaiyɨ boje maje jabocɨ Jesucristore. ³³Æbenita ñai nomicucɨrecabe dápiayɨ pare ijāravuquede aru memɨñ ñi parúéque, ñi torojvɨ ðaiyɨ boje jímarepacore. ³⁴Que baru yópe coavaimɨpe páyabe ñi ñi úmei. Torojvɨ ðaiyuriduibi jímarepacore aru maje jabocɨ máre. Aru quédeca ico ñmucubecorecabe dápiado maje jabocɨ Jesucristo jiede aru memecado úre cūinácɨra caiye ñi úmeque aru ñi bajuque máre. Æbenita ico ñmucucorecabe dápiado pare ijāravuquede, ñi torojvɨ ðaiyɨ boje jímarepacore. ³⁵Nópe coyuyɨbu, ji cadateiyɨ boje mujare. Yebacavɨpe ðaiyubevɨ mujare, pɾɨrɨbuoicōjeni o pɾɨrɨbuoicōjemeni mujare. Quéhora mujare memecare ðaiyvɨ maje jabocɨ

Jesucristore cainɨmɨ, caiye muje úmeque aru caiye muje parúéque máre, muje ðarājiyepɨ ayɨ mearore yópe ñi urópe cainɨmɨ.

³⁶Ëmɨ, nomió máre “Pɾɨrɨbuorājaramu ñija”, aivɨ b́cavɨ baru, aru ñai ñmɨ “Ðabevɨ yɨ yópe yure javépe ñaje pɾɨrɨbuobe boje”, arí dápiayɨ baru, ico nomió ñi bɨcɨteiyɨ báque boje javede aru ñai ñmɨ ñi pare cɨvayɨ boje óre, ðajacurí yópe ñi ðaiyepɨ. Pɾɨrɨbuojarāri na. Pɾɨrɨbuovɨ baru, ãmeina tebenama na. ³⁷Æbenita ñai ñmɨ, me majicɨ baru ñi úmei aipe ðaiyɨ javróre, aru apɨcɨ cōjeimɨ ñmɨcɨ baru, aru ñi me cōjeni buojayɨ baru ñi baju ðaiyuróre nomióque, ðajacurí yópe ñi ðaiyepɨ. Pɾɨrɨbuojarāri na. Quéhora cɨjacorí ñi yurimacope. ³⁸Que baru ñai ñmɨ pɾɨrɨbuoyɨ baru ñi yurimacomaque, mearore ðaibi. Æbenita ñai ñmɨ pɾɨrɨbuobecɨ baru ñi yurimacomaque pɾeno baju mearore ðaibi.

³⁹Nomio ñmɨcɨcɨ cɨjacorí jímarepacuque ñi apúede cāreja. Æbenita ñi yainíburu yóboi, pɾɨrɨbuoivɨcɨ baru apɨcɨque, pɾɨrɨbuojacorí. Æbenita jímarepacɨ bacuyú Jesúre ju aipóecɨ bajacurí. ⁴⁰Ji dápiaru, nomiópeco pɾɨrɨbuobeco baru, torojmucódomɨ nomiópeco pɾɨrɨbuodo pɾeno. Aru yɨ coreóvaivɨ Jūmenijicɨi Espírítu Santo dápiacójeñure yure.

Pablo ñi majicaino ãiyena pōeva ne jíye báquede pēpeimarare
(Mt 25.45; Jn 1.3; Ro 11.36; Ef 4.6; Col 1.16)

8 ¹Caride coyuijivɨ iye jēniari jáiyede muje toivaiye báquede yure paperayocaque ãiyena pōeva ne jíye báquede pēpeimarare, mearu o meamenu muje ãiyede diede. “Coreóvaivɨbu ñija arí buojavure ãiyede ne jíye báquede pēpeimarare, pēpeimɨ parube boje”, toivacube cūinácɨ mujacacɨ. Jávɨtamɨ. Caivɨ maja diede coreóvaivɨbu. Æbenita iye muje coyuiyede muje coreóvaiyede

pēpeimarare aru pōeva ne jýyede náre cārijivū yū. Mūja coreóvaivūvacari diede, “¿Meacu bārica yū apevū pueno?” arī dāpiabejarā mūja. Aru āmejara diede, dāpiabevūva apevū Jesúre ju aipōeva ne dāpiaiyede. Āivu baru náre dāpiabevūva, náre ũbevū mūja. Ūbenita meavū mūje ũru apevūre caiye mūje coreóvaive pueno. Pōescu ũcu apevūre, náre cadateibi, ne parūre nurājiyere ayū ne ũmei cainūmūa. ²Que baru ñai pōescu “Caiye iye pēpeimara jiede coreóvaivū yū”, ũbenina āri dāpiayū, jāve me coreóvabebi cāreja diede yópe coreóvaive jaurōpe ũre. ³Ūbenita pōescu Jūmenijicūre ũru, Jūmenijicūvacari coreóvaibi ũre, aru me jāimi ũre. Ñai pōescu apevūre ũcu máre, jāve ũrecabe me coreóvaivū.

⁴Aru iye mūje jēniari jāiyede āiyena ne jýye báquede pēpeimarare yópe coyuyūbu yū. Caiivū maja majidivūbu iyede: Pōeva Jūmenijicūre coreóvabevū, “Pēpeimara jádovadama aipe ārojarivūre jūmenijinare. Aru ne paruéde cvarivūbu”, ũbenina āri dāpiađama. Ūbenita jūmenijina ne jáđovaimara āmevū pēpeimara. Jūmenijicū cūinácūra cūbi, ñai Jūmenijicū. ⁵“Obedivū jūmenijina cūma, apevū joborōcavū aru apevū máre cavarōcavū”, ũbenina arī dāpiađama ina pōeva Jūmenijicūre coreóvabevū. Que baru obedivūre “mū, Jūmenijicū”, ũbenina arī coyuyama. Aru obedivūre máre “mū, ñūje jabocū”, ũbenina arī coyuyama. ⁶Ūbenita majidivūbu maja Jūmenijicū cūinácū quécūra cūcūre. Ūrecabe majeracu. Ūvacari cūeđarejaquemavū caiyede. Aru majare cūeđarejaquemavū, maje đarājiyere ayū yópe ũi ũrōpe. Aru majidivūbu maja maje jabocū cūinácū quécūra cūcūre. Ūrecabe Jesucristo. Ūrecabe Jūmenijicūi caiyede cūeđare đaimū mácu. Aru ũvacari cūre đaiibi majare.

⁷Ūbenita apevū Jesúre ju aipōeva majibema cāreja Jūmenijicū cūinácū quécūra cūcūre. Quénora apevū mūjacavū cōmajivūbu pōeva ne

coyuiyede apevū jūmenijina ne borore. Que baru ne āiyede āimajiarūare pōeva ne jýye báquede pēpeimūre, “Apecū jūmenijicūre mearore jívū yū, ji āiye boje yore”, ũbenina arī dāpiađama na. Aru, “Meamejavū ji đaiye. Ye majibevū yū”, ne arī dāpiaive boje, parūbenama na ne ũmei. Que baru, “Boropateyūbu yū Jūmenijicūi jāinore”, arī dāpiađama na. ⁸Jūmenijicū majare me jāñū āmemei maje āiye boje o maje āme boje. Maje apede āmenu, Jūmenijicū āmeina jāmemei majare. Aru maje apede āru, Jūmenijicū me jāmemei majare. ⁹Maja āri buojaivūreca iye ne jýye báquede pēpeimarare āmeina tebevūva, me jājara mūja. Ina majibevū cāreja arī dāpiaivū baru mūja mearore jíde nuivūre pēpeimarare, aru “¿Mearica iye đaiye?” arī dāpiaivū baru, āmeina tejebu, ne jāiye boje mūja āivūre diede. ¹⁰Nácacu jāñū maru mūjare, majidivūre ũi dāpiarū, āivūre pēpeimūre mearore jíñami jívūi, jāve āiyucuyūme ũ máre iye āiyede, ne jýye báquede pēpeimūre. ¹¹Mūjacapūravū majidivūbu āmeina tebevūre mūje āiye boje. Ūbenita ũcapūravū arī dāpiayūbe āmeina teyūre ũi āiye boje. Que baru mūje majié boje, āmedađavū mūja ñai mūjecūre. Cristo yaidéjaquemavū ũre boje, ũi bñjabequiyere ayū. Ūbenita mūja bñjare nūre đaivūbu ũre. ¹²Que teni mūjecūre, Jesúre ju aipōecūre, āmeina tede đađavū mūja. Ūtame Jesucristo jicū. Que baru mūje āmedaiyede ũre, Cristo bajure máre āmedađavū mūja. ¹³Que baru jícū, apecū Jesúre ju aipōescu, ũi āmeina tedu ji āiye boje āimajiarūare, ye āmescuyūmū yū āimajiarūare bedióva cojedeca, āmeina tede đabecuyū ũre.

Pablo ũi jáđovaino ũi đaiyeque aipe đaiye jaurōre

(Mt 10.10; Lc 10.7; Hch 9.3-6; Ro 15.27; 1 Co 15.8; Gá 1.11-16; 1 Ti 5.18)

9 ¹Jāve yūvacari apecū pōescu yebacacu āmevū. Jāve yūvacari Jesús ũi yāvaiye méne beorī coyuićojemūmu. Jāve yūvacari

járejacacu maje jabocu Jesúre. Aru jáve yúvacari ñacacu méne Jesús ñi ñaicójeiyede yure, muje ju aye boje ñi yávaiye méne aru muje cue boje ñique cūinávure. Que baru meajebu muje jídu yure jauéde, ji memecaiye boje mujare. Ñbenita yu yéde jēniamevu mujare cainumua. ²Apevu “Pablo Jesús ñi yávaiye méne beorí coyuicójeimū āmemei” ñbenina aivureca, mujacarpūravu majidivūbu yure Jesús ñi yávaiye méne beorí coyuicójeimure, muje ju aye boje Jesúre, ji coyuie báque boje mujare ñi yávaiye méne, ñi meadacaiyede pōevare. Que baru muje cue boje Jesucristoque cūinávure, jáđovari buojaivu yu jáve Jesús ñi yávaiye méne beorí coyuicójeimure. ³Nópe coyuivaivu yu caivu ina āmecoroivure yure.

⁴Muja jápiaivu ji bueiye de Jesús ñi yávaiye méne, muje jídu yure āiyede aru ũcuiyede máre yópe bojedaiyepe ji memeinore, cadatecuyu mujare, meajebu. Jáve nópe ñaiye jauvu mujare. ⁵Aru ji cvaru Jesúre ju aipōeco jimarepaco bajurócore, yópe apevu Jesús ñi yávaiye méne beorí coyuicójeimara, aru ñujacacu Pedro máre, aru maje jabocu Jesucristoi yóva ne cūvaere, meajebu. Aru jimarepaco bajurócore cūvaru, yáque ō majurócore nūvaiye jaujebu yure aru jíye jaujebu muja jápiaivure ji bueiye de ō majurócore máre āiyede aru ũcuiyede. ⁶Muja jíyavū apevu Jesús ñi yávaiye méne coyuipōevare náre jauéde. Ñbenita Bernabé yámaque memecarā ñuje pūruáque, bojedarājivu ñujare jauéde. Jáve ñuja máre, yópe apevu Jesús ñi yávaiye méne beorí coyuicójeimarape, memeiye ñuje pūruáque jaubevū ñujare. Qué Nora muja jápiaivure ñuje bueiye de jíye jauvu ñujare jauéde.

⁷Churara cūbebi ñi baju āquiyede bojedayū. Aru jiore oteipōescu cūbebi ñi baju oteiyede būcūri buojari jēiyede āmecu. Aru oteiāmarare coreipōescu máre cūbebi ina āimara opecore jívu ne opecore ímecu. ⁸Iye ji coyuiyede mujare,

“Ñi baju arí dápiayede coyuubebu ñi”, abejarā muja. Pōecureca ñi arí dápiayede coyuubevū yu. Qué Nora yópe Jūmenijicū ñaicójeiyede ñi coyuie báquere Moisés bācure coyuubu yu. ⁹Yópe arí, Jūmenijicu toivaicójenejaquemavu ñi ñaicójeiyede ñi pōevare: “Ñai oteiāimacu ũracu memecayure mujare, buobejarā ũre ñi jījecamure, ñi āmequiyere aivu ñi cūocaiyedeca mujare muje oteiyabere ñi curaiyede diede”, arí toivaicójenejaquemavu. Ñbenita Jūmenijicu ñi nópe toivaicójeiye báquede, oteiāmarare quévura cōmaje āroje jámenejaquemavu. ¹⁰Qué Nora toivaicójenejaquemavu ñi ñaicójeiyede Jūmenijicure memecapōevare boje. Majarecabu ñi nópe arí dápiamara.

Jēvari coyuubu yu. Ñai jiore memeuñ, meadacacuyū jobore ne otequie jipocamia, coreyube, cūvacuyū ñi memeiye bojede, jēijāravū baquinó eaiyede. Aru ñai oteiyede ñi coreyube, cūvacuyū ñi memeiye bojede máre, jēijāravū baquinó eaiyede. ¹¹Que baru yópe oteipōescu oteiyere, ñuje coyuiyede muje yebai Jesús ñi yávaiye méne, ñi meadacaiyede pōevare, cadatenajivu mujare muje ũmei, jáve mujare jíye jauvu ñujare jauéde, muje cadatenajiyere aivu ñujare yópe muje bojedaiyepe ñuje memeiye de. ¹²Apevu Jesús ñi yávaiye méne coyuicójeimara eaiyu bācavu muje yebai mujare jícojenu náre jauéde, ne coyuie báque boje, jáve pūeno baju mujare jícojeiye jauvu ñujare jauéde, ñuje coyuirí buiye báque boje mujare diede mamarumure.

Ñbenita ñuja ye mujare jícojemevū ñujare jauéde, ñuje coyuie boje Jesús ñi yávaiye méne muje yebai. Qué Nora ñujacarpūravu napiñavu caiyede, muje me jápiarājiyere aivu Jesús ñi yávaiye méne aru, “Ina íyurivūbu náre jauéde ñujare jocarí, ne bueiye boje ñujare”, ñbenina muje āmecorobenajiyere aivu ñujare. ¹³Ñujacavu judíova Jūmenijicure memecaiyu ñi cūrami jívu japoruyama ne ārajiyeva, ne memecaiye boje

diñamine. Ina ãimarare boaipõeva jínajivü na mácvare Jümenijicure ñi cürami diva úre jícaiyede juaivai jacoruyama ina boaimara mácvai jiaruaquede ne ãrajíyeva, ne memeiye boje. ¿Diede coreóvabenaarü müja? ¹⁴Quédeca maje jabocu Jesucristo ñi yávaiye méne coyucaipõevare jacorwicõjeñume náre jauéde, ne coyuiye boje ñi yávaiye méne. Que baru ina jápiaivure ne bueiye de jíccõjeñume náre jauéde. ¹⁵Ûbenita yúcapüravü ye müjare jíccõjemevü yure jauéde. Aru ye toivaicõjemevü apecure müjare caride, müje jínajíyere ayü yure jauéde. Quénora yaijurocubu yu jacorübecuva apejéne. Müjare jíccõjeñü maru, “¿Meacu bária yu?” ye arí buojabejebu yu.

¹⁶Yu ye coyubevü Jesús ñi yávaiye méne ji coyuiyue boje diede. Quénora Jesucristo coyucõjeimi yure. Que baru ji coyuiyede Jesús ñi yávaiye méne ñi meadacaiyede põevare, “¿Meacu bária yu?” ye arí buojabevü yu. ¡Ámeno vaiquíyebu yure ji coyubedu Jesús ñi yávaiye méne! Que baru diede coyuiye jañvü yure. ¹⁷Diede coyuyü baru ji coyuiyue boje, torojüjebu yu. Aru ji torojue bájebu yópe ji bojede íyere. Ûbenita diede coyubevü, ji coyuiyue boje. Quénora diede coyuiye jañvü yure Jümenijicüi coyucõjeiye báque boje yure diede. ¹⁸Ji bajumica ji coyuiyede Jesús ñi yávaiye méne bojecubeda, torojure ðaivü yure. Yure jauéde jíccõjeni buojayüvacari yure jápiaivure, náre ye jíccõjemevü yure apejéne.

¹⁹Yúcapüravü apecu ñi yebacacu ãmecüvacari, yebacacure teyübu ji baju, põeva obedivü baju ne jápiarãjiiyere ayü ji coyuiyede Jesús ñi yávaiye méne, ne ju arãjiiyere ayü úre, ñi meadacaiyere ayü náre ne ãmeina teiyede jarüvarí, ne curãjiiyere ayü me úque cainümu. ²⁰Ji cuede judíovaque, judíope teyübu yu, ne me jápiaiyurãjiiyere ayü Jesús ñi yávaiye méne, ñi meadacaiyede põevare. Que teni ina ðaivü yópe Jümenijicüi ðaicõjeiyede ñi coyuiye báquepe Moisés bácure, ne ju arãjiiyere

ayü Jesucristore, yu máre ðayübu yópe iye ðaicõjeiyere ji cuede náque, diede ðaiye jaubedeca yure. ²¹Ûbenita ji cuede judío va ãmevüque, nácacure teyübu yu, ne me jápiaiyurãjiiyere ayü Jesús ñi yávaiye méne, ñi meadacaiyede põevare. Que teni ina ðabevü yópe Jümenijicüi ðaicõjeiyede ñi coyuiye báquepe Moisés bácure, ne ju arãjiiyere ayü Jesucristore, yu máre ðabevü yópe iye ðaicõjeiyere ji cuede náque, ðayüvacari Jümenijicüi ðaicõjeiyede Cristoi cõjeimu mae boje. ²²Aru quédecabu ina parübevure ne ümei, ne majibe boje cáreja ne ðaiye méne o ãmene Jümenijicüi jáinore. Ji cuede náque, nácacure teni, ne majibedu apejéne méne o ãmene, diede ðabevü yu, ne me jápiarãjiiyere ayü Jesús ñi yávaiye méne ñi parure ðaiyede põevare ne ümei. Que teni caino ji nüinoi, buesuyü Jesús ñi yávaiye méne, cainümu ðayübu yu nócvü ne ðaiyere, ãmenore ðabecüva, Jesús meadaquiye ayü arevü nácvare. ²³Caiye iyede ðayübu yu, põeva ne me jápiarí ju arãjiiyere ayü Jesús ñi yávaiye méne, na máre yáque Jümenijicüi mearo ðacaimara marajiiyé ayü.

²⁴Jévari coyuyübu müjare. Obedivü yajuiipõeva cüyaivürecu, no yajuino upacu bojede jícvüme cüinácu ina cüyaivücacure quécura. ¿Diede coreóvabenaarü müja? Yópe caivü ina yajuiipõeva coapa ne me cüyaiyere, ne íyue boje no bojede, nopedeca caivü müja máre mearore ðajarã müje cuede ijárvüi, maje jabocu Jümenijicüi jíquiye aivü boje méne caivü müjare coapa. ²⁵Ina yajuiipõeva ne cüyarãjiiye jipocai, me coreðama ne ðaiyede, ne íyue boje no yajuino bojede, jipobü adaitarabü laurel ãmicüriyocaque ðaitarabure, maume pojequitarabure. Que baru ina ívü ðitarabure torojurãjarama ðitarabüque quíjino baju, pü ðitarabü pojeiyeta. Ûbenita majacapüravü me jári coreivübu maje ðaiyede, Jümenijicüi jíquiye aivü majare ñi boje méne pojebequiye cainümu. Que baru torojurãjaramu maja Jümenijicüi boje méque cainümu.

²⁶Que baru yábu nápe páyü, ina nurié cýaiyü pu cýaiyma turúvaita. Yúcapūravy nurié ðayübu yópe Jūmenijicui urōpe ðajocabecüva cainūmua. Yábu nápe páyü, ina totarī pēvari yajuivü, nurié totarī pēvari vainájivü ne mauvare. Yúcapūravy nurié ðayübu, vaicýyü ji mauvare, ji memeiye ijāravyñi bojecübe āmequiyepe ayü. ²⁷Jēvari coyuyübu müjare. Yópe jara popeiyepe ji bajure, ũbenita ji ũmene, ðayübu yü, me corecuyü ji ðaiyede, Jūmenijicui jiquiyepe ayü yüre máre ũi boje méne. Meamejebu yure, Jūmenijicui ũi jíbedu yüre ũi boje méne, ji āmedaru apesü Jesúsü ju aipōesü majibecüre cāreja méne aru āmene máre. Meamejebu yure, Jūmenijicui ũi jíbedu yüre ũi boje méne, ũi jíniburu yóboi ðiede apesüre, ũi meaðacaimarare, ji bueiye báque boje náre Jesúsü ũi yávaiye méne.

Pablo ũi majicaino Corintocavüre Israecavü bācavü ne ðaiye báqueque
(Mt 28.26-28; Mr 14.22-24; Lc 22.19-20; 2 Co 6.15-16)

10 ¹Müja, jívu, üvü yü müje majinajiyede jáve aipe vaiye báquede ina Israecavü bācavüre, majeñecüvape paivü bācavüre, ne ju aiye boje Jūmenijicüre. Ina caivürecabu vaiváivü bācavü pōesübenoi no oopenibo cāchinoi. Aru ina caivürecabu jataivü bācavü no jia uraða Jūariya āmicuriyare. ²Ina caivürecabu jáðovaiivü bācavü Moisés bācque ne vaiváiyē boje ũi mácque no oopenibo yóbore aru no jia cūrō mácarōre. ³Ina caivürecabu āivü bācavü iye āiyede Jūmenijicui daroiye báquede na mácavüre cavarō mearo ũi cūrōre jocarī. ⁴Aru ina caivürecabu ũcuiivü bācavü no ocore Jūmenijicui ðaroino mácarōre na mácavüre no cūrabo ũraborē jocarī. ũbenita ānibo cūrabo ina pōeva mácavüre ne apüre ðaibo bācarō āmenejaquemavü. Quéhora Cristorecabe apüre ðayü bācü na mácavüre aru caino ne nūinoi jári coreyü bācü na

mācavüre. ⁵ũbenita nópe Jūmenijicui caðateyü bācureca na mácavü caivüre, obedivü nācavü bācavü Jūmenijicüre torojüre ðabedejaquemavü, ne āmeina teiye boje. Que baru Jūmenijicui yaidé ðarejaquemavü na mácavüre no pōesübenoi.

⁶Caiye iye vaiye báqueque na mácavüre coreóvaivübu maja aipe vaiquiyede majare, āmeina teiyüvübu baru yópe ne āmeina teiyüne báquepe. ⁷Que baru pēpeimarare mearore jíbejarā müja, yópe apesü na mácavü ne ðaiye báquepe. Yópe arī, toivaicōjenejaquemavü Jūmenijicui ũi yávaiyede ne mearore jíyena cūinācü ne pēpeimaracacüre: “Ina pōeva dobarī āivü barejaquémavü aru ũcuiivü barejaquémavü. Aru no yóboi nacajari upaivü barejaquémavü”, arī toivaicōjenejaquemavü. ⁸Āmeina ðaiye jaübevü majare apesüque majemarebücüva āmevüque, yópe apesü na mácavü ne āmeina ðaiye báquepe apesüque nēmarebücüva āmevüque. Ne nópe ðaiye báque boje, cūinájāravyñi baji veintitrés mil paivü baju yaidéjaquemavü.

⁹Maje jabocü Cristo ũi ũrarō napiye boje maje āmeina teiyede, “Maja āmeina teivüvacari, nājimenajaramu maja, maje āmeina teiye boje”, ũbenina arī dāpiyaiye jaübevü majare, yópe apesü na mácavü ne nópe arī dāpiyaiye báquepe. Ne nópe arī dāpiyaiye báque boje, āðava, Jūmenijicui ðaroimara mácavü, ne cūrüburu yóboi na mácavüre, yaidéjaquemavü na mácavü. ¹⁰Jūmenijicüre āmeina yávabejarā müja, yópe apesü na mácavü ne āmeina yávaiye báquepe Jūmenijicüre, ne āmecoroiye báquede ne jabovare, ũi epeimara mácavüre. Ne nópe ðaiye báque boje, cūinācü ángelede ðarorejaquemavü, ũi boarī jarüvaquiyepesü ayü na mácavüre.

¹¹Caiye iye vaiye báqueque na mácavüre coreóvaivübu maja aipe vaiquiyede majare, maja ðaivü baru yópe ne ðaiye báquepe. Aru Jūmenijicui

toivaicōjenejaquemavu diede, maje buenajiyeye ayu. Maja curivubu ijāravu buojaijāravuare. Iye “Que vaiquíyebu”, aiyē báque vaivu caride.

¹²Que baru ácu pōecu “Āmeina tebevu yu. Aru āmeina tebecuyumu máre”, arí dápiayū me đajacurí, vainí tubecuyū.

¹³Apenumua mūja “Yópe đaiyvū yu”, arí dápiadavū. Ūbenita nópe đaiyvū baru, āmeina tejebu mūja. Nópe vaiyvū caivu pōevare. Ūbenita Jūmenijicu, ñai đayū cainumua yópe ūi aiyē báquepedeca, ye đajocabebi mūjare, mūje vainí turājiyeye ayu mūje āmeina đaiyue boje. Quénora parure đacuyume mūjare mūje ūmei, mūje āmeina đabenajiyeye ayu. Parure đacuyume mūjare mūje ūmei, mūje napinajiyeye ayu caiye iye mūje āmeina đaiyuede, đabevava diede. Que teni mūja vainí tājurorivū bācavure vaidé đacuyume ū mūje āmeina đaiyuede jocarí.

¹⁴Que baru mūja, jívū, jī umara, pēpeimarare mearore jíbejarā mūja.

¹⁵Coyuyubu mūjare yópe majidivupe. Nuriéna jī coyuru, mūjacapūravu coreóvayie majidivubu. ¹⁶Maje āri ūcuiyede, ārurajivū maje jabocu Jesucristo ūi yayie báquede majare boje, torojuede jívaivubu Jūmenijicure no ūcuidoque boje. Que baru ū mearo đacaibi majare maje ūcuiyede iye ūcuidoquede. Maje ūcuiyede diede, “Majarecabu Jesucristoi meadacaimara, ūi jive meiyē boje ūi yayie báquede”, arí jáđovaiyubu. Aru iye páure cotāvavaiyubu maja. Maje āiyede diede, “Majarecabu Jesucristoi meadacaimara, ūi jíyē boje ūi bajure ūi yayie báquede”, arí jáđovaiyubu. ¹⁷Maja yóvaivu Jesucristore obedivū curivūvacari, cūinābo páuboquede āđavu maja. Que baru cūináyajubo pōeyajubope teni, Jesucristoque cūinávupe cuvū maja.

¹⁸Dápiajarā ina Israecavu ne āimara boaiyede, ne juarí jícarājiyeye aivu Jūmenijicure, ne āmeina teiyē boje. Cójjivū bācavu ne āiyede ina boaimara māvavū jiaruquede, “Cūináyajubo pōeyajubobu maja. Jūmenijicui

yóvaimaratamu maja”, arí jáđovaiyubu.

¹⁹Ji nópe coyuiyē boje, “Āimajiaruare ne jíyē báquede pēpeimarare meajiaruabebu apejiarua pueno”, ūbenina arí ye dápiabejarā mūja. Aru, “Pēpeimara parurivubebu”, ūbenina arí ye dápiabejarā mūja. ²⁰Quénora yópe aiyvū yu jī coyuiyēque: Pōeva Jūmenijicure coreóvabevū ne āimara boaiyede ne juarí jícarājivū pēpeimarare, “Jūmenijinare diede jícaivubu maja”, ūbenina arí dápiadama. Jūmenijina āmena ne jícaimara. Jūmenijicu cūinácu quécara cubi. Quénora abujuvatamu ne jícaimara. Aru ūbevū yu mūje yóvaiyede abujuvaque. ²¹Mūja ye buojabevū cūináturu ūcuiyē maje jabocu Jesucristo ūi ūcuidoquede aru abujuva ne ūcuidoquede máre. Mūja ye buojabevū cūináturu āivū maje jabocu Jesucristo ūi tōivaquede aru abujuva ne tōivaquede máre. ²²Maja āri ūcuiyē baru Jesucristo jiede maje cójjijīnami jívūi aru abujuva jiede pēpeimara ne cūrami jívūi máre cūináturu, jorojīne đarājaramu maja maje jabocu Jesucristore. ¿Parurivū bārica maja ūi pueno, napinajivū ūi ñájine đaquiyede majare ūi jorojīyē boje? Bítamu. Jáve útame parucu maje pueno.

Jesúre ju aipōeva apecui yebacavu āmevūvacari, ne jáđovaino ne uede apevure ne đaiyēque

(Mt 26.26-29; Mr 14.22-25; Lc 22.14-20; 1 Co 4.16, 6.12, 8.7-12; Fil 3.17)

²³Yópe ávaivubuya apevū Jesúre ju aipōeva. “Đaicōjeiyede đaiyē jabevū majare. Que baru caiyede đaicōjeimūmu yu”, ávaivubuya apevū. Jāvetamu. Ūbenita apede maje đaru, meamejebu majare o apevure máre. Aru apede maja đaiyvū baru, cadatebejebu apevū majevure, ne parure nurajiyeye aivu ne ūmei. ²⁴Ñame mearore đaiyurídubejarāri ne baju boje. Quénora caivu mearore đaiyujarāri apevure boje quéda.

²⁵⁻²⁶Apenumua Jūmenijicure coreóvabevū ne āimara boaimara

mácvu jiaruaquede jini bojedadama aimajiaruare bojedaitucubua uparivure, pèpeimarare jicariburu yóbore. Ne que ðaiyedeca, ñni bojedajarã muja aimajiaruare nore, jèniari jámevva árore ne íyede, “¿Boropateyu bárica?” arí dápiabenajivu. Maje jabocu Jümenijicu jietamu caiye ijãravu aru caiye ijãravuque máre. Que baru jèniari jámevva, aimajiaruare ñni bojedarí, ãjara muja.

²⁷Cüinácü Jesúre ju abecu, “Áranujara ji cüramí”, ñi arí cuturu mujare, aru muja nuivurivu baru, áranujara muja. Áde ñi tuoyede mujare, ãjara muja. Jèniari jámejara árore ñi íyede aimajiaruare, “¿Boropateyu bárica?” arí dápiabenajivu. ²⁸Ûbenita apescu nore cucü, “Iyebu aimajiarua ne jíye báque pèpeimarare” ñi aru mujare, iye jiaruare ámejara muja. Ñi que aríburu yóboi, muje áru iye jiaruare, écapüravu arí dápiacijichubi muje borore yópe: “Pèpeimarare pueðaivubebu na. Que baru meavubebu Jesúre ju aipöva ne pueðaru pèpeimarare aru ne áru jiaruare, náre jíye báquede”, ñbenina arí dápiacijichubi ñ. Que baru ñi arí dápiabequiyeye ayu nópe, aru “¿Boropateyu bárica?” ñi arí dápiabequiyeye ayu máre, ámejara muja. ²⁹Muja “¿Boropateyu bárica?” arí dápiabevureca, apescu nópe arí dápiacijichubi. Que baru ére boje, nópe coyuyubu mujare.

Ûbenita apescu jèniari jáquijichubi: “¿Aipe teni ðaiye jauí yure yópe apescu ‘¿Boropateyu bárica?’ ñi arí dápiajuroepe yurã?” ³⁰¿Aru ji torojuede jídu Jümenijicure, ñi jíye boje ji áquiyede, aipe teni apescu ámechorori yure ji áiyede iyede?” arí jèniari jáquijichubi.

³¹Apescu ñi que aru, yópe arí coyujebu yu. Caiye muje áiyuede, caiye muje ücuiyuede, aru caiye muje ðaiyuede máre, apenvu mearore jínajivu baru Jümenijicure muje ðaiye boje, meajebu muje ðaiye. Ûbenita apenvu “¿Boropateyu bárica yu?” ne arí dápiaru, muje ðaiye boje, meamejebu muje ðaiye. “¿Yópe

ðayu baru, apenvu mearore jíde ðajeba yu Jümenijicure?” arí dápiajarã muja, muje ðarãiyeye jipocai. ³²Yéde ðabejarã apenvu ne vainí turí ámeina tenajiyeye aivu. Quénora ðajarã cainumua apenvu ne vainí tubeni ámeina tebenajiyeye aivu. Judíovare, aru judíova ámevure, aru Jesúre ju aipöevare máre ámeina tede ðabejarã náre, muje ðaiye boje. ³³Yúcapüravu torojure ðaiyuvu caivu pöevare caiye ji ðaiyeque. Méne vaidé ðaiyubevu yu ji baju. Quénora obedivu apenvu méne vaidé ðaiyvuvu yu, Jesús ñi meadaquiyeye ayu náre.

11 ¹Yúvacari ðare nuñmu yópe Cristo ñi ðaiye báquedepedeca. Que baru ðajarã muja yópe ji ðaiyepe.

Aipe ðaiye jauí Jesúre ju aipöevare ne cójijivaiyede jínajivu mearore Jümenijicure
(2 Ts 2.15)

²Torojvuvu yu muje árué boje yure aru caiye ji bueiye báquede mujare, aru muje ðarí cómajiyeye boje yópe Cristo bueiye báquedepedeca ji coyuiye báquede mujare. Muje que ðaiyede me ðadavü muja. ³Ûbenita caride vuvu yu muje coreóvarãiyeye ayu iyede. Muje ju abedu ñai mujare jaboteyure, meamevuvu. Cristorecabe jaboteyu caivu ñmuvare. Nomicurivu coapa jaboteivubu némarepacore. Aru Jümenijicurecabe jaboteyu Cristore. ⁴Ûmu cümañu maru ñi jipobure ñi jèniayede Jümenijicure aru ñi coyucayede Jümenijicui yávaiyede apenvu pöevare máre, Cristore pueðabebi. (Pöecu ñi jipobure cümaimi ñi cuede ére jaboteipöescu jivateinoi. Ûbenita apescu ñmu aru nomió máre ñmure jaboteivu ámema, quénora Cristo baju jaboteyube ñmuvare.) ⁵Ûbenita nomió cümameco baru ñi jipobure ñi jèniayede Jümenijicure aru ñi coyucayede Jümenijicui yávaiyede apenvu pöevare máre, jímarepacure pueðabebico ñi jivateinoi cucu cümamecova. Ó cümameco baru ñi jipobure, yópe nomió jímarepacui jaboteimo ámecope teðobe ó. Que

baru quédeca bájebu, òi yɔvaru caiye òi podare. ⁶Nomió òi cūmaiɔbedu òi jipobure òi jēniayede Jūmenijicuque aru òi coyɔcaiyede ùi yávaiyede aɓevure máre, pɔeno meajebu óre yɔvaru òi podare. Ëbenita cɔyeco baru ò ùmɔjubepodaque cɔco baru aru caiye òi podare yɔvarí jarɔvado baru, cūmajacorí òi jipobure. ⁷Ëbenita ùmure cūmaiye jaɔbevu ùi jipobure ùi jēniayede Jūmenijicuque aru ùi coyɔcaiyede ùi yávaiyede aɓevure máre, Jūmenijicui cɔedaiye báque boje úre úpe árojacure. Que baru ùmɔvarecabu curivu, mearore jínajivu Jūmenijicure. Diede jádovaivubu ne cūmameque ne jipobure. Ëbenita nomivarecabu curivu, mearore jínajivu némarepacure. Diede jádovaivubu ne cūmaiyeque ne jipobure.

⁸Jūmenijicu cɔedabedejaquemavu ñai mamarumɔcacu bácu ùmure, ùi ámiá Adán, ico nomió òi cūañoque. Qué Nora cɔedarejaquemavu ico mamarumɔcaco báco nomióre, òi ámiá Eva, ñai ùmɔ ùi cūañoque. ⁹Aru Jūmenijicu cɔedabedejaquemavu ñai ùmure, ùi cadatequiyepe ayɔ ico nomióre. Qué Nora cɔedarejaquemavu ico nomióre, òi cadatecojiyepe ayɔ ñai ùmure. ¹⁰Que barureca nomióre cūmaiye jaɔvu òi jipobure, jádovacoño jímarepacui jaboteimore. Ói que ðaiyede, ina ángeleva máre óre me jádama.

¹¹Ëbenita maje jabocu Jūmenijicui cɔedaiye báquede ùmure aru nomióre máre ina pɔcaráre jauquiyede majidejaquemavu. Nomióre jaubi ùmɔ. Aru ùmure jaubico nomió. ¹²Que baru jávetamu ico mamarumɔcaco báco nomió, òi ámiá Eva, Jūmenijicui cɔedaimo máco ùmɔ ùi cūañoque. Aru jávetamu caivu ùmɔva máre curivu nomió òi juédocɔvae báque boje náre. Aru caivure, caiyede máre cɔedarejaquemavu Jūmenijicu.

¹³¿Muje dápiaru, meameni nomió jēniadore Jūmenijicuque òi jipobure cūmamecova? Mujacapúravu coreóvaiye majidivubu jáve meamenore òi jēniaru Jūmenijicuque òi jipobure cūmamecova.

¹⁴Aru pōeva ne ðarí cōmajieque máre majidivubu maja. Pōeva ámeina jádama ùmɔ ùmɔjue poda cɔcure. Ëmɔ ùmɔjue poda cɔcu baru, cɔyoje tejebu ù. ¹⁵Ëbenita pōeva me jádama nomió ùmɔjue poda cɔcore. Nomiva pōeva ne puedaimaramu ne cɔe boje ùmɔjue poda, cūmarajivu ne jipobure. ¹⁶Aɓecu mujacacu o aɓeco mujacaco ju aiyubedu iye ji majicaiyede, quédata coyɔyubu yɔ diede. Ñuja aru caivu aɓevu Jesúre ju aipōeva cójjivaiivu aɓenoa ímaroarí ye coreóvabevu aɓevure, mujare jocarí, ne nomivare jēniacōjeivure Jūmenijicuque o coyɔcaicōjeivure ùi yávaiyede máre ne jipobure cūmamevɔva.

Pōeva ne ámedaino ne ári úcuiyede, áruarajivu Jesucristoi yaiye báquede

¹⁷Caride aipe ðaiye jauróre muje cójjivaiyede majicaiyavu yɔ mujare. Muje cójjiyede ámedadavú muja. Que baru torojubevu yɔ. Muje cójjivaiyede mearore nure ðabevubebu muja muje bajure. Qué Nora ámenore nure ðaivubebu muja muje bajure. ¹⁸Mamarumure yópe aɓevu ne arí coyuiyede, “Ina Corintocavu Jesúre ju aipōeva yajuboa tede ðaivubu. Ne baju cūináturu ámevu ne úmei ne cójjivaiyede. Aɓevu ne uraró áiyede ne ðavaiyede cójjiñami, aɓevure jíbevɔva, áivubu uraró, aɓevu ne ámeneca”, jápiaivu yɔ muje borore. Jáve majuvú iye ne coyuiyede. ¹⁹Muje yajuboa tede ðaiye boje, pōeva coreóvavubu Jūmenijicu ámeina jáñure mujacavu jíbevure aɓevure. ²⁰Maje jabocu Jesucristo jáve ámeina jáñume muje cójjivaiyede, muje ári úcurajiyepere ayɔ, áruarajivu ùi yaiye báquede, muje ðabe boje yópe ùi ðaicōjeiye báqueredeca diede. ²¹Muja cójjivaiivu bácvu, aɓevu mujacavu áiyede nɔvavivu bácvu coapa muje baju áiyede íni ávavubuya, jíbevɔva aɓevure. Aru maumena ári búvavubuya aɓevu mujevú ne earájiye jipocai. Que baru aɓevu mujacavure ávúé ijivavuya. Ëbenita aɓevu uraró yapivavubuya pu ne pacoteiyeta. Muja

cūináturu āmevaivubuya. ²²Muje que đaiyede pare ubevu yu. Āri ūcuiye jaovu pōevare ne cūramiai. Ūbenita muje cūramiare cūvarivuvacari muja coapa, pueno baju āri ūcuiyurivubuya Jesúre ju aipōeva ne cójjiñami. Pare ubevu yu muje āmeina jáiyede Jūmenijicui pōevare aru muje cūyoje tede đaiyede mujevū āiyede cūvabevure. Āmeina jámejara muja Jūmenijicui pōevare. Aru cūyoje tede đabejarā muja mujevū āiyede cūvabevure. ¿Aipe arī coyūji mujare? Ye majibevu yu aipe arī coyucūyure mujare. Jáve torojubevu yu muje que đaiyede. “Me đaivubu muja”, jáve ye abecūyumu yu mujare.

**Jesúre ju aipōeva ne āri ūcuino,
āruajivu ūi yaiye báquede**
(Mt 26.26-29; Mr 14.22-25; Lc 22.14-20)

²³Iye maje āri ūcuiyede, āruajivu Jesucristoi yaiye báquede, Jesucristovacari coreóvare đarejame yure. Aru yópe ūi coreóvare đaiye báquedepedeca coreóvare đacacu mujare. Āniñami mácarōmiareca, Judas bācui jēni jíye baquiyé jipocai maje jabocu Jesúre ūi mauvare, páure ĩnejamedā Jesús. ²⁴Jūmenijicure torojuede jíniburu yóboi, páure cotūvarejamedā. Aru arejamedā ūi bueimarare: “Dápijarā iye páure yópe muje dápiayepe ji bajure. Jíquijivu yu ji bajure, ne boarī jarūvarājiyepere yure, mujare ji meadaquiyepere boje. Que baru muje āiyede iye páure, ārujara yure”, arejamedā náre Jesús. ²⁵Aru nopedeca ūcuidore ĩni ne āri bubarīburu yóboi, Jesús arejamedā: “Dápijarā iye ūcuiyede yópe muje dápiayepe ji jivede. Jíquijivu yu ji jivede, ne boarī jarūvarājiyepere yure, mujare ji meadaquiyepere boje. Que baru yure mequiyebu ji jive obedivure boje. Jūmenijicu ‘Yópe đajarā muja, boropatebenajivu ji jáinoi’, ūi yóboicarō coyūino mácarōre pōevare āruajaramu. Cainūma muje ūcuiyede diede, ārujara yure”, arejamedā Jesús. ²⁶Cainūma yópe muje páure āiyepere aru muje ūcuidoquede ūcuiyepere máre, pu maje

jabocu Jesucristoi copaidaiyeta, pōevare jáđovaiyebu Cristoi yaiye báquede náre boje, meadacūyū náre.

**Aipe đaiye jauro Jesúre ju aipōevare
ne āri ūcuiyede, āruajivu ūi yaiye
báquede**
(He 12.5-11)

²⁷Ácu pōecu puedabecu āñu maru iye páuquede, iye āruere đaiye maje jabocu Cristoi bajure, o ūcuñu maru iye ūcuidoquede, iye āruere đaiye maje jabocu Cristoi jivede, boropatecūyume ūi puedabe boje Cristoi bajure aru ūi jivede máre. ²⁸Nópe vaibéquiyepe aivu, caivu coapa me dápiarī corevajarāri caiye ne đaiyede, ne dápiayede máre, “¿Āmeina teyuba yu?” jēniari járajivu ne baju. Aru āmeina teivu baru, chíori coyūjarāri ne āmeina teiyede Jūmenijicure, ūi ārumeteni jaruvaquiyepere ayu diede, ne āri ūcurajipe jipocai. ²⁹Ácu pōecu ūi āru iye páuquede aru ūi ūcuro iye ūcuidoquede máre, dápiabecūva maje jabocu Cristo baju nājini yaiyá bācure, jáve Jūmenijicu nājine đacūyume ūre, ūi que đaiye boje. ³⁰Que baru obedivu mujacavubu parubevu aru ĩjimara máre. Aru apevu yaiyáma. ³¹Maja me dápiarī corevaru maje baju đaiyede aru maje baju dápiayede máre, maje jabocu Jūmenijicu nājine đabejebu majare. ³²Ūbenita maje jabocu Jūmenijicu nājine đayube majare, majicacūyū majare, maje bíjabenajiyepere ayu ūre jocarī ĩjaravucavu ūre coreóvabevūque. ³³Que baru, muja, jívu, muje cójjiivaiyede āri ūcurajivu yópe maje jabocu Jesucristoi āruere đaicōjeyepere mujare, corejarā caivu mujevure, ne earājiyepere aivu. Que teni āri ūcujara caivu muja cūináturu. ³⁴Ácu pōecu mujacacu āvué yaiyá baru, ājacurī ūi cūrami jívu, Jūmenijicui nājine đabequiyepere ayu mujare, muje āmedaiye boje muje cójjiivaiyede. Apepe muje jēniari jáiye báquede yure, majicacūyumu mujare aipe đaiye jaurore ji eaquiyede muje yebai.

**Espíritu Santoi majide ðaino Jesúre
ju aipõevare ùi majiécārõque
bojecubeda, ne caðatenajiyere aino
apevure
(Ro 12.6-8)**

12 ¹Muja, jívũ, caride coyũquijivũ iye jëniari jáiyede muje toivaiye báquede yure paperayocaque Espiritu Santoi majide ðaiyena Jesúre ju aipõevare ùi majiécārõque bojecubeda, maje caðatenajiyere ayũ apevure. Uvu yũ muje me coreóvarãjiyere diede.

²Muja iyede coreóvaivubu. Jũmenijicure coreóvabevũ bácavu cãreja, pẽpeimara yávabevure mearore jíde ðaimara matequémavũ muja, muje dápíarĩdũyie boje paruéde cuvavivure. Ne ðaicõjeimara matequémavũ muja. ³Que baru caride mujare coreóvare ðaiyvũ yũ iyede. Põecu cubebi Jũmenijicũ Espiritu Santore cuvacu, “Jũmenijicu ñájine ðajacurĩ Jesúre toabo cũiméboi cainumua”, arĩ buojayũ. Aru põecu cubebi, “Jesús maje jabocube”, arĩ buojayũ jáve, Jũmenijicũ Espiritu Santoi nópe coyũre ðabedu úre.

⁴Uretamu Jũmenijicũ majiéque ùi majide ðaiye ùi põevare bojecubeda. Ubenita ñai Espiritu Santo cũinácurcabe majide ðayũ caivũ majare maje majiécārõva. ⁵Uretamu maje memecaiye Jũmenijicure aru apevure máre maje majiécārõque. Ubenita cũináturevũ ámevũ. Aru maje jabocu Jesucristo cũinácurcabe jaboteyũ maje memecaiyede. ⁶Uretamu Jũmenijicũ jáðovaiye ùi paruéde, ùi jíyede majare, maje memecarãjiyere ayũ úre aru apevure máre ùi majiécārõque. Ubenita cũináturevũ ámevũ. Aru majepacu Jũmenijicu cũinácurcabe parure ðayũ caivũ majare, maje memecarãjiyere ayũ maje majiécārõque.

⁷Jũmenijicu majide ðayũbe caivũ majare Jesúre ju aipõeva coapa ùi majiécārõre, maje jáðovarajiyere ayũ cuvavivure ùi Espiritu Santore aru maje caðatenajiyere ayũ apevure. ⁸Apevũ ùi põevare Jũmenijicu ùi Espiritu Santore

coyũre ðaicõjeimi ùi majiéque. Aru apevũ ùi põevare Jũmenijicu ùi Espiritu Santore majicare ðaicõjeimi apevure iye majiéde ùi majide ðaiye báquede náre, apevũ ne coreóvarãjiyere ayũ diede. ⁹Apevũ ùi põevare Jũmenijicu ùi Espiritu Santore jëniare ðaicõjeimi úque, “Jãve majivũ yũ Jũmenijicu ðacuyũre yópe ji jëniaiyepedeca úre” arĩ. Aru apevure Jũmenijicu ùi Espiritu Santore meaðare ðaicõjeimi ijimarare. ¹⁰Apevũ ùi põevare Jũmenijicu ùi Espiritu Santore põeva ne ðarĩ majibede ðare ðaicõjeimi. Apevũ ùi põevare Jũmenijicu ùi Espiritu Santore coyũcare ðaicõjeimi ùi yávaiyede apevure. Aru apevũ ùi põevare Jũmenijicu ùi Espiritu Santore majide ðaicõjeimi apecu yávayure yópe Espiritu Santoi yávaicõjeiyere o yópe abujucu ùi yávaicõjeiyere. Apevũ ùi põevare Jũmenijicu ùi Espiritu Santore yávare ðaicõjeimi apecamua yávaicamua ne majibecamua. Apevũ ùi põevare Jũmenijicu ùi Espiritu Santore coyũre ðaicõjeimi aipe aiyuede iye apecu ùi yávaiyede apecamua yávaicamua ùi majibecamuaque.

¹¹Aru caiye iye Jũmenijicũ majiéquede ñai Espiritu Santo cũinácura majide ðaibi majare coapa yópe ùi urõpe.

**Jëvari coyũino Jesúre ju aipõeva
cõjjivaivũ yópe põecu ùi bajure
(Ro 12.4-5; Ef 4.11, 14-16)**

¹²Jëvari coyũiyede coyũyũbu yũ mujare. Yópe põecu ùi baju cuvare ure cœre, ubenita ùi baju cũinábaju quénora cœre, nopedeca obedivutamu maja Jesúre ju aipõeva, ubenita cũináyajubo põeyajubo teni, cũinánevũ cuvũ maja Jesúre ju aipõeva. ¹³Caivũ maja Jesúre ju aipõeva, judíova aru judíova ámevũ, yebacavũ aru yebacavũ ámevũ máre, Jũmenijicuque jáðovaimara mácavũbu ocoque. Nópe ðarĩ, ñai Espiritu Santo cũinácurcabe maja Jesúre ju aipõeva caivure cũináyajubo põeyajubo tede ðayũ. Aru caivũ coapa cuvavivũbu ñai Espiritu Santore majaque.

¹⁴Põescu ñi baju cūináro cūvaecarõ ãmevu. Quédeca Cristo jina obedivutamu maja. ¹⁵Mi cuboba yávarí bñojaiba baru põescupe aru “Yü ãmevu mi pũru. Que baru mi baju cūvaecarõ ãmevu yu”, aiba baru, nópe aibavacari, mi baju cūvaecarõ bájebu diba. ¹⁶Aru mi cámuca yávarí bñojaica baru põescupe aru “Yü ãmevu mi yacorũ. Que baru mi baju cūvaecarõ ãmevu yu”, aica baru, nópe aicavacari, mi baju cūvaecarõ bájebu dica. Quédeca maja cūináturu ãmevũreca, majacacu cubebi meacu apevu pũeno. ¹⁷Põescu ñi baju yacorua matuiye baru, ñai põescu jápiarí majibejebu. Aru põescu ñi baju cámuca matuiye baru, ñai põescu vīni majibejebu. Quédeca cadateiyavũ maje baju iye majiéque, ñai Espiritu Santoi majide ñaiyede majare coapa. ¹⁸Ûbenita Jũmenijicũrecabe epevu b́acu caiye põescu ñi baju cūvaede yópe ñi urõpe. ¹⁹Cūináro põescu baju cūvaecarõ quénora cũru, põescu cubejebu.

²⁰Ûbenita põescu ñi baju cūvae ure cūvacũreca, ñi baju quénora cūinárotamu. ²¹Mi yacorũ yávarí bñojaidũ baru põescupe, “Mũre jaubevu yure”, aidũ majibejebu mi pũrũre. Aru mi jipobũ yávarí bñojaibũ baru põescupe, “Mũre jaubevu yure”, aibũ majibejebu mi cubobare. Quédeca, “Mũre jaubevu Cristore” arí, majecũre coyũbenajarevu maja. ²²Quénora jaũvu majare iye maje baju cūvae parube ape maje baju cūvae pũeno, maje arũrãjiyere aivũ. ²³Apede maje baju cūvaequede yópe maje baju jivũquede majié me jáivũbu maja. Ûbenita diedecabu maje me coreiye. Aru apede maje baju cūvaequede apevũre jáicõjeiyubevu maja. Que baru cuitótecajeare doivũbu, cūmarajivũ diede. ²⁴Ûbenita apede maje baju cūvaequede die pũeno ye cūmamevu maja. Jũmenijicũrecabe epevu b́acu maje baju cūvaede, maje me járajyere aũ pũeno baju iye maje baju cūvaequede, maje ãmeina jájũroede. ²⁵Que ñayũ b́acu Jũmenijicũ, maje baju

baquiyépe aũ cūinárora, aru caiye maje baju cūvaeque cadatequiyere aũ ne baju coavabevũva. ²⁶Maje baju cūvaecarõ cūináro ijidu majare, caino maje baju ijivũ majare. Aru apecũ ñi pueparu maje baju cūvaecarõ cūinárove, maja torojarivũbu caino maje bajuque. Quédeca cūinácu Jesũre jũ aipõescu ñi ñájyede, caivũ maja Jesũre jũ aipõeva ñájivũbu. Aru apevu ne pueðaiyede cūinácu Jesũre jũ aipõescupe, caivũ maja Jesũre jũ aipõeva ne pueðaimaratamu.

²⁷Jévari coyũyũbu majare. Majatamu yópe Cristo ñi bajupe. Aru majatamu coapa ñi baju cūvaeque. ²⁸Caivũ maja Jesũre jũ aipõevare coapa Jũmenijicũ epeibi, maje memecarãjiyere aũ majevũ cõjijivavũre. Mamarũmũcavũbu ñi epeimara Jesũs ñi yávaiye méne beorí coyũicõjeimara. Mamarũmũcavũ ne yóbocavũbu ñi epeimara ñi yávaiyede coyũcaipõeva. Ne yóbocavũbu ñi epeimara bueipõeva. Ne yóbocavũbu ñi epeimara põeva ne ñarí majibede ñaipõeva. Ne yóbocavũbu ñi epeimara ijimarare meaðaipõeva. Ne yóbocavũbu ñi epeimara cadateipõeva, jipocateipõeva, aru apecamua yávaicamua ne majibecamuare yávaiipõeva máre. ²⁹Jáve caivũ maja ãmevu Jesũs ñi yávaiye méne beorí coyũicõjeimara. Aru jáve caivũ maja ãmevu Jũmenijicũ yávaiyede coyũcaipõeva. Jáve caivũ maja ãmevu bueipõeva. Jáve caivũ maja ãmevu põeva ne ñarí majibede ñaipõeva. ³⁰Jáve caivũ maja ãmevu ijimarare meaðaipõeva. Jáve caivũ maja ãmevu apecamua yávaicamua ne majibecamuare yávaiipõeva. Aru jáve caivũ maja ãmevu coyũipõeva aipe aiyũede iye apecũ ñi yávaiyede apecamua yávaicamua ñi majibecamuaque. ³¹Apeno Jũmenijicũ majiécarõque pũeno baju cadateivũbu maja apevũre. Que baru pare ñjarã mũje cvarãjiyede iye pũeno baju bojecue majiéde.

Maje ñe apevũre

(Mt 17.20, 21.21; Mr 11.23; 1 Jn 3.2)

Ñai Espiritu Santo mũjare majide ñayũreca, caride majicayũbu yũ mũjare aipe ñaiye jaurõre pũeno baju parũrõre.

13 ¹Maja yávaivũ majijũvũ caiye ijáravũque yávaiyede buebevũva diede. Aru yávaivũ majijũvũ ángeleva ne yávaiyede máre. Ëbenita maje ùbedu arevũ pòevare, ye baju ámevũ caiye iye maje yávarí majijũroede. Arevũre ùbedu, caiye iye maje yávaiye jápuraivũ yópe bujíepe táuque ðaiyede, pare ámeina jápuraede aru cãrijovaiyede máre. ²Aru maja Jũmenijicũ yávaiyede soyũcaijũvũ parúeque. Jũmenijicũ dápiaiino jádovameno mácarõre jipocamia ùbenita jádovainore caride jápiarí eaijũvũ. Caiyede me coreóvaujũvũ. Me ju aijũvũ Jũmenijicũre, jëniari úre ùi nũicõjequiyepere aivũ cũracũare apenoita aru majini dicũá nũquicũare. Ëbenita maje ùbedu arevũ pòevare, ye baju ámevũ caiye iye maje majijũroede. ³Aru maja jãjũvũ caiye maje cũvaede cũve cũvabevũre. Pũ maje bajure juarí boarí jarũvaicõjeijũvũ máre. Ëbenita maje ùbedu arevũ pòevare, ye baju ámevũ caiye iye maje ðájũroede.

⁴Maja arevũre urivũ, napivaivũbu náre. Aru mearore ðarí cõmajivaivũbu, caðatenajivũ náre. Maja arevũre urivũ, ye jorojĩmevaivũbu náre. Aru, “¿Meara márica mũje pũeno?” ye arí soyũbevaivũbu náre. Aru, “¿Meara márica mũje pũeno?” ye arí dápriabevaivũbu náre máre. ⁵Maja arevũre urivũ, pueðavaivũbu náre. Aru, “Vaijáðeni me yure”, arí dápriabeni quénora “Vaijáðeni me arevũre”, arí dápriarí, memecavaivũbu arevũre boje, caðatenajivũ arevũre maje baju pũeno. Maja arevũre urivũ, ye jarabevaivũbu. Aru arevũ ne ámeðaiyede majare, maumena árumetevaivũbu diede. ⁶Maja arevũre urivũ, ye torojũbevaivũbu arevũ ne ámeina teiyede, ne soyũiyede jáve ámene máre, aru ne ámeðaiyede arevũre, ne soyũiyede jáve ámene arevũ borore máre. Quénora torojũvaivũbu arevũ ne mearo teiyede, ne soyũiyede jávene máre, aru ne mearo ðaiyede arevũre, ne soyũiyede jávene arevũ borore máre. ⁷Maja arevũre urivũ, ñájivaivũbu caiye ámene arevũ

ne ðaiyede majare, ámenore ðabevũva náre copũ. Aru ju ávaivũbu caiye méne maje jápiaiye arevũ borore. Ëbenita aiye ámene maje jápiaiye arevũ borore ju ávabevũbu. Maja arevũre urivũ, dajocabevũva corevaivũbu ina ámeðavũre, ne oatvarí mearore ðarãjiyepere aivũ. Aru napivaivũbu caiye ámene arevũ ne ðaiyede majare dajocabevũva maje ùede náre.

⁸Cainũmua arevũre ne jauquiyebu majare. Iye majié Jũmenijicũ ùi Espiritu Santore majide ðaiye majare cũiquiyebu. Cũiquiyebu pòeva ne soyũcaiyé Jũmenijicũ yávaiyede arevũre. Cũiquiyebu pòeva ne yávaiye apecamua yávaicamua ne majibecamua. Cũiquiyebu pòeva ne majicaiye arevũre Jũmenijicũ majide ðaiye báquede náre, arevũ ne coreóvarãjiyepere aivũ diede. ⁹Jũmenijicũ coreóvaicõjeimi majare quénora quíjino ùi majiécarõre. Aru coreóvaicõjeimi majare quénora quíjino ùi yávaiyede. ¹⁰Ëbenita Cristo ùi majide ðaquiyede caivũ majare caiyede, maje curãjiyede úque cavarõ mearo Jũmenijicũ curõ, ñai Espiritu Santo ùi majide ðaiye báque quíjje majare cũiquiyebu. Dinũmũ maquinóre caivũ majare ye majié jaubequiyebu.

¹¹Yũ jueðocũ cãreja soyũvayũ barejacácũ yópe jueðova ne soyũiyepere. Aru corevayũ barejacácũ méne aru ámene máre yópe jueðova ne corevaiyepere. Aru dápriavayũ barejacácũ yópe jueðova ne dápriayepere máre. Ëbenita yũ bucũcũ caride, caiye ji ðaiye báquede jueðova ne ðaiyepere dajocarejacacũ. Quédeca ji cœ ijáravũ jueðocũre páyũbu yũ, ji coreóvaiye boje quíjino Jũmenijicũ jiede. Ëbenita ji cœquiyede cavarõ mearo Jũmenijicũ curõ bucũcũre páyũ bacũyũmu yũ, ji coreóvaiye boje urarõ Jũmenijicũ jiede. ¹²Caride Jũmenijicũ jiede jáivũbu maja yópe maje jáiyepere jivarũ javecarũque. Que baru jáve majibevũ aipe árojaene caiyede. Ëbenita apejãravũ daquijãravũ baquinóre járajaramu Cristo bajure. Caride quénora majié jápiarí eaiivũbu

maja Jūmenijicu jiede. Que baru ũ jiede coreóvayie pare javvu majare. Ũbenita arejāravu daquijāravu baquinóre coreóvarājaramu caiyede jaubevva, yópe Jūmenijicu coreóvayiepare majare.

¹³Ũbenita yóbecue Jūmenijicu darī majide đaiye majare ye cūiméquiye. Cainumua Jūmenijicure ju aye javvu majare. Aru cainumua Jūmenijicu mearo đacaquiye majare yópe ũi aye báquedepedeca napini coreiye javvu majare. Aru cainumua Jūmenijicure aru arevure máre ũe javvu majare. Ũbenita yo cūinárorecabu iye yóbecuecarō javrō are pueno, maje ũe Jūmenijicure aru arevure máre.

**Ape Espiritu Santo ũi majide
đaiye javé are pueno**

14 ¹Đajarā muja caino muje oainope, urājivu Jūmenijicure aru arevure máre. Aru pare ularā Jūmenijicu Espiritu Santo ũi majide đaiyiye aivu mujare Jūmenijicu ũi majiéquede, muje cadatenajiyere ayu arevure. Aru pueno baju ularā ũi majide đaiyiye aivu muje coyucarājiyere ayu pōevare Jūmenijicu yávayiede paruéque. ²Ácu pōecu yávayu baru apcamua yávaicamua ũi majibecamuare, Jūmenijicure arī yávayube. Ũbenita pōevare ye arī yávabebi ũ. Ũi yávayie boje ũi ũmeque pōeva ne majibede aru ne jáđovamene máre, ñame ye jápiarī eabejebu ũi yávariduiyede. ³Ũbenita ácu pōecu coyucayu baru Jūmenijicu yávayiede paruéque, cadatejebu arevu Jesúre ju airpōevare, ne parure nurajiyere ayu ne ũmei. Náre parure đajebu ne ũmei. Aru chōivunque, náre orī cadatejebu máre. ⁴Ñai yávayu apcamua yávaicamua ũi majibecamuare ũi baju quécura parure nujebu ũi ũmei, ũi nópe yávayie boje. Ũbenita ñai coyucayu Jūmenijicu yávayiede paruéque arevu Jesúre ju airpōevare parure nure đajebu ne ũmei, ũi nópe coyuiye boje. ⁵Ũvu yu caivu mujare muje yávarājiyere ayu apcamua yávaicamua muje

majibecamuare. Ũbenita pueno baju uvu yu muje coyucarājiyere ayu Jūmenijicu yávayiede paruéque. Pōecu ũi yávaru apcamua yávaicamua ũi majibecamuare ũbenita pōecu ũi cubedu coyuiye majicu aipe aiyuede iye yávayiede, Jesúre ju airpōeva ye parure nuiye majibejebu, ne jápiarī eabe boje diede. Que baru me bojecue bajubu pōecu ũi coyucayie pōevare Jūmenijicu yávayiede paruéque pōecu ũi yávayie pueno apcamua yávaicamua ũi majibecamuaque.

⁶Muja, jivu, ji eaquiye muje yebai yávayu baru apcamua yávaicamua ji majibecamuare, ye cadatejebu mujare, coyubecu baru máre aipe aiyuede. Ũbenita coyuyu baru mujare are coyuiyede Jūmenijicu jáđovayie báquede yure, o apede, ñai Espiritu Santo ũi majide đaiye báquede yure, ji majicaquiye ayu mujare, muje coreóvarājiyere ayu, o ape coyucayiede Jūmenijicu yávayiede paruéque, o ape bueiye máre, cadatejebu mujare. ⁷Jēvari coyuiyeque coyuyubu mujare. Maje pedubare japuiyede aru maje biabeibore bujide đaiyede máre pōeva ne uparājiyere aivu, maje japuiyede o maje bujide đaiyede nurié āmenu, ina upaiyuriduiyu ye majibejebu aipe upajuroede. ⁸Aru quédca, churarava ne coreiyede jápiarājivu apcu ũi japuiyore japuiyede náre coedaicōjeinore, náre āradaicōjeinore, aru náre ādamatenanucōjeinore máre, nurié āmenu iye japuiye, ina churarava ye meadabejebu ne baju ādamatenanurajivu. ⁹Nopedecabu majare máre. Maje yávaru apcamua yávaicamuaque, caivu pōeva ne majibecamuaque, ñame jápiarī eaiye ye majibejebu maje yávariduiyede. iŨbenina yávaridujebu maja!

¹⁰Ũrebebu ijaravucavu ne yávaicamua. Aru caivu pōeyajuboacavu jápiarī eadama ne baju yávaicamuare. ¹¹Ji coyuriduru apcuque ũbenita jápiarī eabedu ũi yávaicamuare, “Ñujacacu ātemi”, ũcarūravu ajebu yurā, aru yu

máre, “Ñujacacú ãmemi”, ajebu úra.

¹²Que baru mña cūvaiyuvivū pare ñai Espírиту Santo ùi majide ðaiyede, pueno baju ũjarã mña iye Jūmenijicūi majiéquede, cadatenajivū apevu Jesúre ju aipðevare, ne parure nurajiyere aivū ne ũmei.

¹³Que baru ñai yávyayū apecamua yávaicamua ùi majibecamuare jēniajacurī Jūmenijicūque, ùi coyūiye majide ðaquiyere ayū aipe aiyūede iye yávaiyede apecamua yávaicamua ùi majibecamuaque. ¹⁴Yū jēniañū maru Jūmenijicūque apecamua yávaicamua ji majibecamuaque, jāve jēniajebu ji decocūque. Ūbenita dápiabecūva majibejebu yū ji ũmei aipe aiyūede.

¹⁵Que baru yópe ðaiye jaūvū yūre. Jūmenijicūque jēniaiye jaūvū yūre dápiayūre ji decocūque aru ji ũmeque máre, ji jápiarī eaquiyere ayū aipe ji jēniaiyede. Aru yūriaiye jaūvū yūre dápiayūre ji decocūque aru ji ũmeque máre, ji jápiarī eaquiyere ayū aipe ji yūriaiyede. ¹⁶Muje mearore jídu Jūmenijicūre dápiabevūva quénora mñje decocūque, apevu nore curivū jápiarī eabevūva mñje yávarīduiyede, “Jāvemū ne aiyede”, ye aivū buojabejebu ne coreóvabe boje aipe aiyūede diede. ¹⁷Muje mearore jíye me baju bajūvū. Ūbenita ina mñjare jápiarīduivū ne coreóvabedu aipe aiyūede mñje coyurīduinore, náre cadatebejebu mña. Nácapūravū ye parure nūmejebu ne ũmei mñje nópe coyūiye boje. ¹⁸Torojūede jíyūbu yū Jūmenijicūre ùi Espírиту Santo ùi yávarī majide ðaiye boje yūre apecamua yávaicamua ji majibecamuare. Aru dicamuare yávavaivū yū caivū mñje pueno. ¹⁹Ūbenita ji cójijivaiyede apevu Jesúre ju aipðevaque, náre ji coyūru cūinápūrupre paicamua yávaicamua ne majidicamuaque, buescūyū náre, meajebu ji coyurīduiye pueno caipūcapūrupre paímil baju yávaicamua ne majibecamuaque.

²⁰Mña, jívū, ðabejarã mña yópe juedova dápiabevū ne ðaiyere. Mñje

apevūre jáicōjeniduiyede mñjare, ñai Espírиту Santo ùi majide ðaimara mae boje, juedovape teivūbu mña. Quénora ðajarã yópe bucūva dápiavū ne ðaiyere. Mñje apevūre cadateiyede, ñai Espírиту Santo ùi majide ðaimara mae boje, bucūvape teivūbu mña. Ūbenita yópe juedova majibevū ãmeno ðaiyeque, mña máre majibevūpe tejarã ãmeno ðaiyeque.

²¹Javede yópe arī, toivaicōjēnejaquemavū Jūmenijicū ùi yávaiyede: “Apevu pōeva, apeyajubo pōeyajubocavūre coyūcaicōjēcūyūmu yū ji yávaiyede ji pōevare apecamua yávaicamua ne majibecamuaque. Ūbenita yū náre nópe coyūcarīduyūreca, ye yūre jápiarī adabede nurajarama na”, arejaquemavū maje jabocū Jūmenijicū. ²²Que baru Jūmenijicūi coyūicōjeiyede pōevare apecamua yávaicamua ne majibecamuaque, ne jápiarī eabe boje diede, jáðovañūme náre ju abevūre úre aru ùi cadatebemarare máre. Ūbenita ùi coyūicōjeiyede úre coyūcaipðevare ùi yávaiyede parūéque, ne jápiarī eaiye boje diede, jáðovañūme ina ju aivūre úre aru ùi cadateimarare máre. ²³Caivū mña Jesúre ju aipðeva, mñje cójijivaiyede, caivū ina yávaipðeva ne yávarū apecamua yávaicamua pōeva ne majibecamuaque quénora, aru Jesúre ju abecū o apecū ecoyū baru mñje cójijijñami, jāve “¿Ārūmevū bārīca?” ajebu ũ. ²⁴Ūbenita caivū mñjacavū yávaipðeva ne coyūcarū Jūmenijicūi yávaiyede parūéque, aru Jesúre ju abecū o apecū ecoyū baru mñje cójijijñami, coreóvabeju ãmeina teyūre. Caivū mña yávaipðeva mñje coyūiye boje Jūmenijicūi yávaiyede, “Ji ðaiyede oatūvaiye jaūvū yūre”, arī dápiajebu ũ. ²⁵Coreóvabeju Jūmenijicūi majicūre caiye ùi dápiayede ùi ũmei. Nūatutarī, pueðarī, mearore jíjebu Jūmenijicūre. Aru, “Jāve Jūmenijicū cubi mñjaque”, ajebu ũ.

Jesúre ju aipðeva ne cójijivaiye jaūró pueðavū aru coðobobevūva

²⁶Mña, jívū, que baru yópe ðaiye jaūvū mñjare. Mñje cójijivaiyede ðajarã

caiyede, parure n̄rajiv̄u caiv̄u m̄ja m̄je ūmei. Apev̄u m̄jacav̄u Salmos āmic̄ue ȳriaiyede ȳriaiȳr̄ajarama. Aru apev̄u m̄jacav̄u bueiyr̄ajarama. Apev̄u m̄jacav̄u soȳuȳr̄ajarama ape soȳuyede, J̄menijic̄ui j̄dovaiye b̄aquede, n̄re coapa. Apev̄u m̄jacav̄u ȳvaiyr̄ajarama apcamua ȳvaicamua ne majibecamuaque. Aru apev̄u m̄jacav̄u soȳuȳr̄ajarama aipe aiyyede iye ne ȳvaiyede apcamua ȳvaicamua ne majibecamuaque.

²⁷ M̄jacav̄u ȳvaiyr̄iv̄u baru apcamua ȳvaicamua ne majibecamuare, ȳvajar̄ari p̄sar̄ā o ȳbecur̄ā qūv̄ura, c̄in̄āc̄u c̄in̄āc̄u, ūbenita c̄in̄āturu āmev̄u. Aru soȳuȳe j̄av̄u apesu aipe aiyyede ne ȳvaiyede. ²⁸ Ūbenita p̄escu ūi cubedu soȳuȳe majicu aipe aiyyede p̄eva ne ȳvaiyede apcamua ȳvaicamua ne majibecamuaque, ñame n̄pe ȳvabejar̄ari. Qūnora ina n̄pe ȳvaȳroriv̄u bi ajar̄ari nore m̄je c̄ojij̄in̄ami j̄iv̄u. Qūdata ar̄i d̄apijar̄ari na coapa ne ȳvaȳroede ne baju aru J̄menijic̄uque.

²⁹ Nopedeca m̄jacav̄u soȳucaiȳriv̄u baru p̄evare J̄menijic̄ui ȳvaiyede par̄éque, soȳujar̄ari p̄sar̄ā o ȳbecur̄ā qūv̄ura. Aru soȳuȳe j̄av̄u apesu n̄re coapa ina ȳvaiv̄u b̄acav̄u ȳpe Esp̄ritu Santo ūi ȳvaic̄ojeȳe n̄re. ³⁰ J̄menijic̄u ape soȳuyede ūi majide ðaru apesu m̄jacacu nore dobacure, ñai soȳup̄escu soȳur̄i dajocajacur̄i, apesu ūi buoquiȳere aȳu soȳuȳ ū m̄re. ³¹ N̄pe ðar̄i, caiv̄u m̄jacav̄u soȳucaiȳriv̄u p̄evare J̄menijic̄ui ȳvaiyede par̄éque buojar̄ajarama soȳuȳv̄u, c̄in̄āc̄u c̄in̄āc̄u, ūbenita c̄in̄āturu āmev̄u, caiv̄u m̄je bueni majinajiȳere aiv̄u aru parure ðar̄ajiȳere aiv̄u m̄je ūmei m̄je baju. ³² J̄menijic̄ui ȳvaiyede soȳucaip̄evarecabu soȳur̄i majidiv̄u ȳpe iye J̄menijic̄ui ðaic̄ojeȳe ji majicaiyede m̄jare caride. ³³ J̄menijic̄u ye ūbebi p̄eva ne c̄ar̄ijovaiyede ne baju. Ūbebi ne codoboboyede. Ūbebi ne ȳvaiyede caiv̄u c̄in̄āturu.

Que baru ðajar̄ā m̄ja ȳpe apenoa ĩmaroacav̄u J̄menijic̄ui p̄eva ne ðar̄i c̄omajiȳere ne c̄ojij̄ivaiyede. ³⁴ M̄je c̄ojij̄ivaiyede mearore j̄inajiv̄u J̄menijic̄ure, nomiva ȳvaic̄ojememaratamu. Que baru bi ajar̄ari ina nomiva. Ȳpe J̄menijic̄ui ðaic̄ojeȳede ūi soȳuȳe b̄aquepe Moisés b̄acure, j̄u aye j̄av̄u nomivare aru jipocatebejar̄ari na. ³⁵ Nomió ōi ȳvaru Jes̄ure j̄u aip̄eva ne c̄ojij̄ivaiyede, c̄uyojar̄otamu. Que baru ina nomiva majiȳriv̄u baru apede ne j̄apiar̄i eabede, j̄eniar̄i j̄ajar̄ari n̄marepacure ne c̄urami.

³⁶ Coreóvajar̄ā m̄ja iyede. P̄eva soȳur̄i b̄abedejaquemav̄u J̄menijic̄ui ȳvaiyede m̄jare. M̄ja mamarc̄ucav̄urecabu āmev̄u j̄apiaiv̄u b̄acav̄u J̄menijic̄ui ȳvaiyede soȳuyede. Aru m̄ja qūv̄urecabu āmev̄u j̄apiaiv̄u b̄acav̄u diede. Que baru, “Maje c̄ojij̄ivaiyede mearore j̄inajiv̄u J̄menijic̄ure, ȳpe maje ūp̄e ðar̄ajarev̄u”, ūbenina āri d̄apiar̄idubejar̄ā m̄ja. ³⁷ Ācu p̄escu “J̄menijic̄ui ȳvaiyede soȳucaip̄escub̄u ȳ”, ar̄i d̄apiaȳu baru, coreóvac̄uȳme maje jabocu J̄menijic̄ui ðaic̄ojeȳe b̄aquede iye ji toivaic̄ojeȳede apecure m̄jare. Aru ācu p̄escu “J̄menijic̄ui Esp̄ritu Santo majide ðaibi ȳre”, ar̄i d̄apiaȳu baru, coreóvac̄uȳme maje jabocu J̄menijic̄ui ðaic̄ojeȳe b̄aquede iye ji toivaic̄ojeȳede apecure m̄jare. ³⁸ Ācu p̄escu ūi j̄apiar̄i adabedu iye ðaic̄ojeȳede, apesu m̄re ūi soȳuyede j̄apiar̄i adabejar̄ari.

³⁹ M̄ja, j̄iv̄u, que baru ȳpe ðaie j̄av̄u m̄jare. Pare ūjar̄ā J̄menijic̄ui Esp̄ritu Santo ūi soȳucare ðaquiyepe aiv̄u m̄jare ūi ȳvaiyede par̄éque p̄evare. Aru, “Ȳvabejar̄ā”, abejar̄ā ina ȳvaiyr̄iv̄ure apcamua ȳvaicamua ne majibecamuaque. ⁴⁰ Ūbenita caiye m̄je ðaiyede m̄je c̄ojij̄ivaiyede, mearore j̄inajiv̄u J̄menijic̄ure, ðajar̄ā m̄ja ȳpe p̄eðaiv̄ure aru codobobev̄u m̄re.

**Pablo ùi coyũino Cristoi nacajaino
mácarõra yainore jarũvarĩ**

(Mt 12.40, 28.16-17; Mr 16.14; Lc 24.34,
36; Jn 20.19; Hch 2.24-32, 8.3, 9.3-6)

15 ¹Mũja, jĩvũ, caride mũjare ãrũre ðaiyvũ yũ iye Jesús ùi yávaiye méne ùi meadaiyena põevare, ji coyũiyeye báquede mũjare. Iye coyũiyede ju ávũ mũja. Aru caride máre ju are nuñavu mũja. ²Mũja jáve ju are nuivũ baru Jesús ùi yávaiye méne, meadaimara marajáramu mũja. Ùbenita mũja jáve ju abevũ baru, meadaimara ámenajaramu mũja.

³Mamarũmũre Jesucristovacari coreóvare ðarejame yũre iye yávaiye paruéde caiye ape yávaiye pũeno. Aru quédeca nópe ùi coreóvare ðaiye báquepedeca, yúcapũravũ coreóvare ðacacu mũjare. Iyebu ùi yávaiye me. Cristo yaicárejameða maje ámeina teiye boje, yópe Jũmenijicũi toivaicõjeiye báquepedeca ùi yávaiyede. ⁴Apevu jarũvarejaimaða ùi baju bácarõre põe jarũvaino cũracobe jĩvũ. Aru yóbecurijãravũa yóboi Jũmenijicu nacovarejaquemavũ ùre yainore jarũvarĩ, arũcũyũre bediõva, yópe ùi toivaicõjeiye báquepedeca ùi yávaiyede máre. ⁵Jũmenijicu ùre nacovarĩburu yóboi, majecu Pedro járejameða Jesũre. Aru no yóboi, ina caipũcapũrũape paivũ apevu ùi yávaiye méne beorĩ coyũicõjeimara máre járejaimaða ùre. ⁶No yóboi, apevu quinientos paivũ baju majacavũ ùre ju aipõeva járejaimaða ùre cũinátũru. Iyebu nácavu jave yaivũ bácvũreca, ùbenita obedivũ nácavu arũrivũbu caride. ⁷No yóboi, Santiago aru ùi yóboi caivũ Jesús ùi yávaiye méne beorĩ coyũicõjeimara máre járejaimaða ùre.

⁸Aru buojainũmũre caivũ apevu ne yóboi, ùre jámejũrocũ, ùre járejacacu yũ. Que baru majivũ ñũja Cristore Jũmenijicũi nacovaimũ mácũre yainore jarũvarĩ. Ùre jámejũrocũbu yũ ùi oatũvaiye boje yũre. Ùre ju aipõevare boarĩ jarũvaiyvũcũ bácvũ caivũ pũeno

oatũvarejame, pu ùi yávaiye méne beorĩ coyũicõjeimũva corebecũva, yópe juedocu ùi põeteiyepe põeva ne corenajiye jipocamia. ⁹Yũrecabu caivũ Jesús ùi yávaiye méne beorĩ coyũicõjeimara ne cãchinocacũpe páyvũ baju. Ji cujurĩ, boarĩ, ñãjine ðaiye báque boje Jesũre ju aipõevare, Jesús beobejebu yũre, ji coyũiquiyepe ayũ ùi yávaiye méne. ¹⁰Ùbenita Jũmenijicũi mearo ðacaiye boje yũre, caride apēcũpe páyvũbu yũ. Ñai põevare boarĩ jarũvaiyvũcũ bácvũpe páyvũ ámevu yũ caride. Jũmenijicũi me boje, epedejaquemavũ yũre, ji memecaquiyepe ayũ ùre. Aru ùi nópe epeiye báque ámepeda ámevũ. Quénora memevũ yũ pũeno urarõ baju caivũ apevu ùi yávaiye méne beorĩ coyũicõjeimara pũeno. Ùbenita yávacari ji baju paruéque mememevũ. Quénora Jũmenijicũvacari cadateni, parũre ðaibi yũre, ùi me boje bojecũbeda, ji memecaquiyepe ayũ ùre. ¹¹Caivũ ñũja Jesús ùi yávaiye méne beorĩ coyũicõjeimara cũinátũrũra ñũje yávaiyede coyũicarã ñũja. Que baru ye baju ámevũ yũ coyũyvũ bácvũ baru o apevu coyũivũ bácvũ baru Jesús ùi yávaiye méne mũjare. Cũinátũru coyũvaiyvũbu Jesũi nacajaiye báquede ne boarĩ jarũvarĩburu yóboi ùre. Aru mũjavacari ju adavũ diede.

**Jesũre ju aipõeva ne nacajarajiye
yainore jarũvarĩ**
(Mt 22.44; Ro 5.12-18)

¹²Caivũ maja Jesũre ju aipõeva coyũvaiyvũbu Jũmenijicũi nacovaiye báquede Jesucristore yainore jarũvarĩ, arũcũyũre cojedeca. Que baru apevu mũjacavũ yópe arĩ, “Yaivũ bácvũre ye nacovamecũyũme Jũmenijicu yainore jarũvarĩ, ne arũràjiiyepe ayũ bediõva cojedeca”, ùbenina arĩduyama na. Nópe ne arĩduiye jáve ámevũ. Árũmevũre coyũyama ina, nópe aivũ. ¹³Jũmenijicũi nacovamenu yaivũ bácvũre yainore jarũvarĩ, ne arũràjiiyepe ayũ cojedeca, Cristo yaivũ bácvũ ùi nacovaimũ mácvũ

ámejebu yainore jaruvarí. ¹⁴ Aru Jūmenijicui nacovamenu Cristo yaiyú bácure yainore jaruvarí, ũi aruquiyere ayu cojedeca, iye ñuje coyuiye úra bojecubejebu. Aru muje ju aiye máre úre bojecubejebu. ¹⁵ Pueno ámeno baju bájebu ñuje coyuiye yópe arí: “Nacovarejaquemavu Cristore yainore jaruvarí, ũi aruquiyere ayu cojedeca”, ñuja borocujebu Jūmenijicurá. Jáve maru yaivu bácavu nacajamevure yainore jaruvarí, Cristo máre, yaiyú báciu, nacajari buojabedejaume. Que baru, “Cristore nacovarejaquemavu Jūmenijicu”, ñuje arí coyuiyede, borocujebu ñuja.

¹⁶ Jūmenijicui nacovamenu yaivu bácavure yainore jaruvarí, ne arurājiyere ayu cojedeca, Cristo yaiyú báciu máre ũi nacovaimu mácu ámejebu yainore jaruvarí. ¹⁷ Aru Jūmenijicui nacovamenu Cristo yaiyú bácure yainore jaruvarí, ũi aruquiyere ayu cojedeca, muje ju aiye bájebu ámededa. Aru bojecubejebu mujare. Que baru Jūmenijicu arumetebejebu cāreja muje ámeina teiyede. Que baru bǐjare ñujebu muja coatejurorivu Jūmenijicure jaruvarí. ¹⁸ Aru ina Jesúre ju aipōeva yaivu bácavu máre, coatejurorivu bácavu Jūmenijicure jaruvarí bǐjajebu javede. ¹⁹ Maja “Yaivu bácavure ye nacovamecúbe Jūmenijicu yainore jaruvarí Cristoi yaicáiyē boje majare boje” āri dápiaivu baru, aru maja coreciv baru Jūmenijicu jáve mearo đacacuyure majare, maje cue boje Jesucristoque cūinávure, maje cuede ijāravni quédada, cōmaje ārojajebu maja caivu arevu pōeva pueno.

²⁰ Ūbenita jáve baju Jūmenijicu nacovarejaquemavu Cristore yainore jaruvarí, ũi aruquiyere ayu cojedeca. Ūrecabe mamarumucacu caivu arevu yaivu bácavu jipocai arucuyu cojedeca, yaibécuyu bediōva cojedeca. Aru ũi nacajaiye báque boje, jáve majidivubu maja úre ju aipōevare máre Jūmenijicui nacovaimara mārājivure yainore jaruvarí ũi yóboi. ²¹ Cūináciu

ūmu ũi đaiye báque boje, caivu pōeva yaiváivubu. Quédeca apecu ũmu cūináciu ũi đaiye báque boje, pōeva majidivubu nacajarajivu yainore jaruvarí, arurājivu cojedeca.

²² Javede cūináciu ũmu mácu, ñai mamarumucacu báciu, ũi amíá Adán, coateyu báciu ũi baju Jūmenijicure jaruvarí yaidéjaquemavu, ũi ámeina teiye boje. Que baru caivu pōeva máre, ũi mácu pāramena, ũi mácupedeca yaiváivubu maje ámeina teiye boje. Quédeca, cūináciu ũmu, ñai Jesucristo, yaiyú báciu, Jūmenijicui nacovaimu mácu barejaquemavu yainore jaruvarí, arucuyu cojedeca. Que baru caivu úre ju aipōeva máre, úque curivu cūinávure, ũpedeca Jūmenijicui nacovaimara marajáramu maja yainore jaruvarí, arurājivu cojedeca. ²³ Majare nacovaijāravna cuvū yópe Jūmenijicui cōjeiyere. Mamarumu cūinájāravure, Cristore nacovarejaquemavu Jūmenijicu yainore jaruvarí, ũi aruquiyere ayu cojedeca. Aru apejāravure, Cristo ũi copaidaquijāravu baquinóre, caivu maja Cristo jinare nacovacuyume Jūmenijicu yainore jaruvarí, maje arurājiyere ayu cojedeca.

²⁴ Dinumu maquinóre ijāravu cūiquiyebu. Caivu ina cōjeivure, caivu ina parurivure, aru caivu ina purucvarivure máre, ũi mavure, vaini tucuyume Cristo, náre jaruvarí. Aru jípacu Jūmenijicure, ũi mearore jímure, jaboteicōjecuyume caivu ũi jaboteimarare. ²⁵ Jaboteiye jaavu Cristore pu Jūmenijicui epeiyeta caivu ũi mavure ũi cuboba cāchinoi. Que teni Jūmenijicu jáđovacuyume ũi vaini ture đaiyede Cristore náre jaruvarí. ²⁶ Caivu pōevare yaiye jaavu. Yópe pōecu ũi maucu ũi vaini tuiyere úre jaruvarí, nopedeca yaiyebu pōeva ne maucupe paiye, náre vaini turí. Ūbenita buojainumure, Jūmenijicui nacovaiye báque boje Cristore, yaiyú bácure, aru ũi nacovaiyere boje maja ũi pōevare máre, ye yaibénamu maja bediōva cojedeca.

²⁷ Jūmenijicu toivaicōjenejaquemavu ũi yávaiyede Cristore vaini turí

jaboteicōjecuure caivure, caiyede máre. Ëbenita majidivubu maja ùi nópe cōjeiyede Cristore, ye jaboteicōjemecuyure jípacure. Que baru Jūmenijicure jaboteicōjeipōecu cubebi. ²⁸Cristo caivure, caiyede máre ùi vainí turí jabotequiyede, ùvacari, Jūmenijicui mácu “Mū, ji ju aimū, jabotejacu yure aru ji jaboteimarare máre”, acuyume Jūmenijicure. Que teni Jūmenijicu, ñai Cristore vainí turí jaboteicōjeñu macuyú caivure, jabotecuyume caivure, caiyede máre.

²⁹Apevu pōeva Jūmenijicuque jádovaicōjedama ne baju ocoque yaivu bācavure boje. Ëbenita Jūmenijicui nacovamenu yaivu bācavure yainore jaruvarí, bojecubejebu apevu ne jádovaiye Jūmenijicuque na māvavure boje ocoque.

³⁰Aru ñaja máre yaijurorivubu jāravua coapa, ñiye ñájiye boje ñiye coyurānuiyede Jesús ùi yávaiye méne. Ñiye ñájiye máre bojecubejebu. ³¹Muja, jívū, iyede coyūquijivū yū mujare, ji torojue boje maje cuede maje jabocu Jesucristoque cūinávure. Pōeva boarí jaruvaiyuma yure jāravua coapa, ji coyūiye boje Jesús ùi yávaiye méne. ³²Ji cuede Éfeso āmicurīmaroi, pare ñájiacacu yū, nócavū ne maucūvae boje yure yópe āimara jijecurivū ne maucūvaepe. Die ye bojecubejebu yure, jāve maru yaivu bācavū nacajamevure yainore jaruvarí. Majare ðaiye jaujebu yópe ne aiyepe, “Javena yainájichuvū maja. Que baru āri ūcuri torojurājarevū”, adama.

³³Que baru muje bajumia apesure jujoaicōjemejara. Ārūjara apesu ùi yópe arí coyūiyede: “Āmena pōevaque yóvayu baru, mearo ðarí cōmajiyede ārumetecuyume”, aquemavū.

³⁴Ārumevure tebejarā muja. Dajocajarā muje āmeina teiyede. Apevu mujacavū coreóvavevū cāreja aipe ārojacure Jūmenijicure. Coyūyubu diede, muje cūyoje tenajiyepe ayū muje ðaiyede.

Pablo ùi coyūino nacovarajimara ne baju mamabaju baquinóra

(1 Ts 4.15-17)

³⁵Apesu, yópe arí, jēniari jáquijichubi yure: “¿Aipe ðarí nacajarajidi maja,

yainájivū bācavū?” Aru, “¿Aipe ārojaquidi maje baju baquinó?” arí jēniari jáquijichubi. ³⁶Pōecu nópe jēniari jáñū maru, ye majibecutame. Jēvari coyūiyeque buequijivū mujare. Maje oteiyede jioi, pīaquíye jipocamia, oteiyabede pojeiye javvū. Oteiyabe pojeniburu yóboi, pīaquíyebu. ³⁷Trigo āmicue oteiyabede o apesyabe oteiyabede máre maje oteiyede, iye pīaquíye oteiyabepe paiye āmevū. ³⁸Maje oteniburu yóboi, Jūmenijicu píaré ðalbi caiye oteiyede coapa yópe “Que baquiyébu” ùi arí ðápiayē bāquepedeca, ùi cuedaiye bāquede caiyede.

³⁹Cūináturu āmevū caivū ne bajuá. Pōeva ne jiarua baju, aru āimara ne jiarua baju, mǐjina ne jiarua baju, aru moa máre ne jiarua baju, caivū coapa ne jiarua apabajure cuvama na. ⁴⁰Nopedeca cavarōcavū aru joborōcavū máre ne bajuá cūináturu āmevū. Cavarōcavū ne baju métamu, ne cuede cavarōi. Aru joborōcavū ne baju métamu, ne cuede joborōi. ⁴¹Ñai avía jāravūcacu meacu bajube. Aru ñai avía ñamicacu máre meacu bajube. Ëbenita ñai ñamicacu jāravūcacupe pēomemi. Aru ina abiácova máre meara bajuvacari, ùbenita aviávape paivū pēomema. Aru ina abiácova coapa apede pēodama na. Cūináturu āmevū cavarōcavū ne pēoiyeque.

⁴²Yópe vaiyepē oteiyabede, nopedeca vaiquíyebu Jūmenijicui nacovaquiyede yaivu bācavure yainore jaruvarí. Maja yainájivū bācavū maje baju bācarō, ne yuarí jaruvaibaju bācarō, pojequiyebu. Ëbenita maje baju mamabaju baquinó, maje nacajariburu yóboi yainore jaruvarí, ye pojebequiyebu. ⁴³Maja yainájivū bācavū maje baju bācarō, ne yuarí jaruvaibaju bācarō, bojecubentamu. Ëbenita maje baju mamabaju baquinó, maje nacajariburu yóboi yainore jaruvarí, bojecurō maquiyébu. Maja yainájivū bācavū maje baju bācarō, ne yuarí jaruvaibaju bācarō, parubentamu. Ëbenita maje mamabaju baquinó, maje nacajariburu yóboi yainore

jaruvarī, paruḡo maquiýebu. ⁴⁴Maja yainájivu bácavu maje baju bácarō, ne yuarī jaruvaibaju bácarō, mearo mateávū, maje cuede ijāravū. Ūbenita maje baju mamabaju baquinó mearo maquiýebu, maje curājiyede mamajāravu cūiméjāravū, maje nacajariburu yóboi yainore jaruvarī. Maje ijāravuquebaju cūe boje, majidivūbu maja mamajāravu cūiméjāravuquebaju máre cuquiyebu. Baju cubedu, arué máre cubevū.

⁴⁵Caride maja cvarivūbu maje baju yópe Adán mácuī baju bácarōpe, Jūmenijicūi iye báquede ū mácure. Yópe arī, toivaicōjenejaquemavu Jūmenijicū ūi yávaiyede: “Mamarumūcasu, ūi āmiá Adán, Jūmenijicūi cuedaimū marejaquémanu, arucūy ūi bajuque”, arī toivaicōjenejaquemavu. Ūbenita Adán mácuī yóbocasū, Cristo, maja mamajāravu cūiméjāravucavu maje mamarumūcasu, arure dayūbe majare maje ūmei. Que baru jícūyūme majare mamabaju, maje curājiyepe ayu jāravu cūiméjāravu baquinóre. ⁴⁶Aru maje aruē máre quédecabu. Mamarumūre mamajāravu cūiméjāravuquebaju cūvabevū. Quénora mamarumūre ijāravuquebaju cvarivūbu. Aru no yóboi, maje nacajariburu yóboi yainore jaruvarī, mamajāravu cūiméjāravuquebaju cvarājaramu.

⁴⁷Ūnai Adán mácu, maje mamarumūcasu bācu, Jūmenijicūi cuedaimū mácu barejaquémanu joboque. Que baru joborōcasū barejaquémanu ū mácu. Ūbenita ūi mácuī yóbocasū, Cristobe cavarō mearo Jūmenijicūi curōcasu. ⁴⁸Caivu joborōcavu cvarivūbu maje bajure yópe ūai jobore jocarī dayū bācu ūi baju bácarōpe painore. Aru caivu cavarō mearocavu bárājivu cvarājaramu maje bajure yópe ūai cavarō mearore jocarī dayū bācu ūi bajupe painore. ⁴⁹Yópe caride maje cūvaepe maje bajure ūai jobore jocarī dayū bācu, Adán mácu, ūi baju bácarōpe painore, nopedeca cvarājaramu maja maje bajure ūai cavarō mearore jocarī dayū bācu, Cristo, ūi bajupe painore.

⁵⁰Muja, jīvu, jāve couyūbu mujare iyede. Maja curivu buojabenajaramu no Jūmenijicūi jaboteinoi ijāravuquebajuque, maje cūvaede caride. Maje ijāravuquebaju cūiméjaju āmevu. Quénora pojequiyebu. Que baru maja curivu buojabenajaramu no Jūmenijicūi jaboteinoi ijāravuquebajuque. ⁵¹Caride mujare couyūbu yu Jūmenijicūi yávaiyede jāvene, ūi jádovameno mácarōre jipocamia ūbenita jádovainore caride. Caivu maja, Jesúre ju aipōeva, yaibénajaramu. Ūbenita Jūmenijicūi oatūvacūyūme caiye maje bajuáre. ⁵²Maumejiena, yópe pōecu ūi mimiyepe, iye Jūmenijicūi japuicōjequiye japuino bubaino maquinóre jápuraquiye, Jūmenijicūi oatūvacūyūme maje bajuáre. Aru dīnūmū maquinómiarega maja Jesúre ju aipōeva yainájivu bācavūre nacovacūyūme Jūmenijicūi yainore jaruvarī, maje yaibénajiyere ayu cojedeca. ⁵³Oatūvaiye jauvu maje baju pojejuroribajure, maje cvarājiyepe aivu arebaju cūiméjajure. Oatūvaiye jauvu maja yaijūrorivūre, maje yaibénajiyere aivu.

⁵⁴Maja yaibénajivūre, maje curājiyede maje cūiméjajuque, vaiquiyebu yópe Jūmenijicūi arī toivaicōjeiye báquepedeca ūi yávaiyede: “Caride pōeva yaibénajarama bediōva cojedeca. Jūmenijicūi buojaiibi vainī tūyū caivūre, caiyede máre, ūre maucvarīduivūre jaruvarī. ⁵⁵Pōeva vainī tuimara mácavūpe paivu ne yaijūroe boje, vainī tuimarape paivu āmevu caride. Pōeva ūājine ūaimara mácavūpe paivu ne yaijūroe boje, ūājine ūaimarape paivu āmevu caride”, arī toivaicōjenejaquemavu. ⁵⁶Ūbenita pōeva āmeina teivu ūājinajarama ne yainájiyede, ne āmeina teiye boje. Aru Jūmenijicūi ūaicōjeiyede ūi couyiye báqueque Moisés bācūre coreóvaivūbu maja ina pōeva āmeina teivūre ūājine ūarājimarare, ne āmeina teiye boje. ⁵⁷Ūbenitū torojuede jīnajarevu Jūmenijicūre. Ūrecabe maje jabocu Jesucristore vainī ture ūare dayū majare

ãmeina teiyede jaruvãrî, maje cœ boje maje jabocu Jesucristoque cûinávũpe.

⁵⁸Que baru mũa, jívũ, ji umara, parũre nũjara mũa mũje ũmei, dajocabevũva mũa je aiyede maje jabocu Jesucristore. Me majidivubu mũa caiye mũa memecaiyede ũre bojecũede, mũa cœ boje ũque cûinávũpe. Que baru cainũmua pũeno urarõ baju ũre memecajarã.

Pablo ũi jícõjeino Jesũre ju aipõevare, ne cadatenajiyere ayũ névũ cũve cũvabevũre

(Ro 15.25-26; 2 Co 8-9)

16 ¹Caride coyũquijivũ iye jẽniari jáiyede mũa jínajiyena ina Jesũre ju aipõeva, cũve cũvabevũre, mũa toivaiye báquede yure paperayocaque. Đajarã mũa yõpe ji đaicõjeiye báquepe ina Jesũre ju aipõevare, cõjijivavũre Galacia ãmicurijoborõi. ²Sumana coapa domingo jãravũ, caivũ mũa coapa ãni epejarã tãtũrare, cadatenajivũ cũve cũvabevũre. Mũa ĩye báquede no sumana baji ãni epejarã mũa yõpe mũa ĩye báquepe. Que teni ji eaquiyede mũa yebai, tãtũrare vorĩdurĩ, ãni, jícõjeiye jaubequiyebu mũjare. ³Ji eaquiyे jipocamĩa, beojarã mũjacavũre, ina nũvarajivũre iye tãtũrare, mũa jĩcarãjiyede, Jerusalén ãmicurĩĩmaroita. Aru ji eaquiyede mũa yebai paperayocare jĩcũyũtu náre, ne nũvari jãdovarajiyere acũyũ Jerusalécavũ Jesũre ju aivũre coreipõevare, ne majinajiyere ayũ ñamejare na aru yéde ne nũvaiyede. ⁴Dinũmũ maquinõre mearu ji dãpiainoi, yũ máre náque nũri, yũre yõvarãjarama.

Pablo ũi coyũino ũi đãjũroede

(Hch 19.8-10, 21; 1 Co 4.17)

⁵Ji etaquiyede yore jocarĩ, vaicũyũtu Macedonia ãmicurijoborõi. No yõboi, eacũyũtu mũa ĩmaro Corintoĩ. ⁶Mautequijichvũ mũa yebai obediaviava baju. Yũ eayũ baru, mautescũyũtu mũaque nracogo

baede. Dinũmũ maquinõre que tedu, mũacapũravũ yũre cadateivũ buojarãjaramu, ji nũre nũquiyere aivũ áro ji nũquino apenoita.

⁷Obebejãravũa baju jãcũnũiyũbevũ yũ mũjare. Maumena vaiyũbevũ yũ mũa ĩmarore jocarĩ. Quénora mauteiyvũ yũ mũaque obediaviava baju, maje jabocu yure mauteicõjenu. ⁸⁻⁹Ūbenita obedivũ yõcavũ jãpiayũrivũbu Jesũs ũi yávaiye méne. Náre bueiye javũ yure. Aru apenvũ obedivũ máre maucũvarĩduivũbu maje jabocu Jesucristore. Náre cãrijovaicõjeiyũbevũ ina Jesũre ju ajũrorivũre. Que baru mautescũyũtu yore Éfeso ãmicurĩĩmaroi, pũ Pentecostés jãravũ, judíoiva nũa torojave teijãravũita.

¹⁰Timoteo máre, yũre páyũ, maje jabocu Jesucristore memecayũbe. Que baru ũi earu mũa yebai, me torojũcu cũre đajarã ũre. ¹¹Ūre ãmeina jámejara mũa. Quénora pueđajarã ũre. Aru cadatejarã ũre, ũi nũre nũquiyere aivũ cãrijimenoque. Yũ coreyũbu ũ copaidacũyũre ji yebai apenvũ majevũque.

¹²Caride coyũquijivũ iye jẽniari jáiyede majescu Apolorã mũa toivaiye báquede paperayocaque. Paredeca jẽniariducacu ũre, ũi yõvaquiyere ayũ majevũre ne jãranũiye báquede mũjare. Ūbenita dinũmũ mácarõre ũcarũravũ nũiyũbeteame. Apenvũ ũi buojaquinũmũ jãcũnũscũyũte mũjare.

Pablo ũi meaicõjeino Corintocavũre

(Hch 18.2; 1 Co 1.16)

¹³Me jãjara mũa. Ju are nũjara mũa maje jabocu Jesucristore. Jĩdũbejarã apenvũ ne ãmedãjũroede mũjare, mũa Jesũre ju aiyे boje. Aru parũre nũjara mũa mũa ũmei, mũa je aiyede Jesũre dajocabevũva. ¹⁴Caiye mũa đaiyeque ũjarã apevũre.

¹⁵Mũa, jívũ, me majidivũbu Estéfanus ũ jinaque ne borore. Nácarũravũ ju aima Jesucristore mamarũmũre, caivũ apenvũ Acaya ãmicurijoborõcavũ jipocai. Aru memecavaivũbu Jẽmenijĩcũi põevare, cadatenajivũ náre dajocabevũva. ¹⁶Ūvũ

yɛ mɛje ju aiyede náre. Náre aru apevu majevu nápe paivure, apevure cadateipõevare aru memecaipõevare máre, ju arí jaboteicõjejara mɛjare.

¹⁷Torojuvu yɛ ina Estéfanas, Fortunato, aru Acaico máre ne edaiye báquede yore. Nácapũravu cadateivubu yure yópe mɛje cadatejuroepe yure, curivu buojaru yáque. ¹⁸Parure nure ðaivubu yure ji ũmei, yópe ne parure nure ðaiyepere mɛjare máre mɛje ũmei. Náre aru apevu nápe paivure máre “Meavu”, arí pueðajarã mɛja.

¹⁹Caivu ina Jesúre ju aipõeva cójjivaivu Asia ãmicurijoborõi meaicõjeðama mɛjare. Aquila aru Priscamaque aru ina Jesúre ju aipõeva

cójjivaivu ne cãrami jívni ɛrarõ meaicõjeðama mɛjare, ne cɛe boje Jesucristoque cūinávure mɛjaque.

²⁰Caivu Jesúre ju aipõeva yore curivu meaicõjeðama mɛjare. Me jacyujarã mɛja mɛjevure mɛje jivare nuri, mɛje Jãmenijicu jina mae boje. ²¹Caride yávacari, Pablo, toivaivu, meaicõjeñu caivu mɛjare.

²²Ácu põecu ñi ɛbedu maje jabocu Jesucristore, Jãmenijicu ñájine ðajacurí ũre toabo cūiméboi cainumna. iMu, maje jabocu Jesús, ðajacu! ²³Maje jabocu Jesucristo mearo ðacajacurí mɛjare bojecubeda ñi me boje. ²⁴Yɛ uvu caivu mɛjare curivure Jesucristoque cūinávure. Quénoramu.